

# LIPUZO NI LIKALABO

## MAHEBERU KALULO YA I



Na ka eza cwani zeo kusina Mulimu? Yani ki yona luli, nji cwani? Halikoni kuezahala hakusina Mulena.

Hanina ku kutaza kuzwa ku zona kaufela. Kono Ni hupuzi kuli Ni swale nto yeñwi ye bonahala bukiti cwalo, mwa ziba, konakuli mbweshwa Ni itukise. Kono, oh, neli ye bubebe hahulu, hulu luli. Konakuli mwendi hakuna lipuzo zeñata hahulu mwahala sicaba kanti, ki lipuzo fela ze bunolo mi ze bubebe. Kihande, Ni tabile ka kulika ku li alaba ka bunde mo Ni konela, ka tuso ya Mulena.

<sup>2</sup> Mi haiba Kezeli Arganbright uteni mwahali mo busihu cwana. . . Kezeli Ruth. Kana uteni mo, Kezeli Ruth? Kwa neku le. Nina ni. . . Oh, eeni, Ni na ni keyala fa, mi. . . Batili, Ha nina yona. Kihande, Na kona kuingela ona fa. Ne nina ni yona mwa kabuka ka mwa pokoto, mi Ni siile kabuka ka mwa pokoto kani kwandu. Cwale, haiba mapokola ba ni swala ha ni ya kwandu, Muzwale Fleeman, utahe u ni lamulele kwateni. Ubulelele Billy kuli Ni. . . ni siile kabuka kaka mwa pokoto kwandu, Ni zamaisa kusina situpa sa fa mukwakwa busihu boo. Mi Ni hupuzi kuli mwendi Ni ka lwezi mwa pokoto yaka; Ne ni cincize fela litino. Ne ni akufile hahulu, musihali wo, ne ni sweli kungwenjula bucwani kapili luli mi se ni tuhela ni kuakufela ku taha kwanu, na cinca litino ni ku matela kwanu. Mi Ni—Ni lwezi buka ya litaluso za manzwi, kono wakona kuinga kasamulaho kwani.

<sup>3</sup> Usike wa ikutwa bumaswe ka liñolo *leo*. Haiba ha Ni si ka bona ya totobezi hahulu kufita foo, leo ikona kuba liñolo le linde. Sani neli sesinde. Sani neli seined hahulu, hulu luli. Ni mi bulelezi kuli Hanina ku li bala, kono Ni sitatalile fela ku lona, mwa ziba, mi ni palezwi fela ku libuluka ni hanyinyani. Ni komokile fela so bulezi. Mi neli lelinde, lelinde luli, liñozwi sina muluti wa kwa sikolo luli mwa lukela kuñolela. Sani neli se sinde, mi Na itumela ka lona. Mi li—li mi fa. . .

<sup>4</sup> Mwa bona, Ni lata mañolo a mutu yakona ku—ku shutana hanyinyani ni wena. Mwabona, haiba mu lumelelana ka nako kaufela, hakuna ya shutana kwateni ni wena, ufetuha ya tatafezi. U lukela kuba ni yo shelana ni yena kuli ukone ku utwisisa ni kubatisisa lika mwa butungi. Mi—mi mu ka kena fela mwa mukokolombwa ulimuñwi haiba mu tokomela; mi kipeto mu—kipeto mu ba mwa butata ha mueza cwalo. Mu lukela ku zwelapili fela kuya kwapili ni kuba ni mutu ya ka shutana ni mina ni ku comola kwateni mafufa ku mina fa ni fa.

<sup>5</sup> Mwa Africa Ne ni fumani litau zepeli zenyinyani, mi neli zende hahulu ze nyinyani, mwendi ze fita fa *cwana*. Za Mibalabala, yenyinyani, tau yenyinyani; tau ya mwana, tau ya musali. Mi cwale, ne tu bonahala inge tukaze, ne li zenyinani maswe sina cwalo, totunyinyani. . . tunto totunde hahulu totunyinyani, ne li ipapalela fela. Mi Ne ni ka litisa kwa America, Ne ni libeile mwa sikalamunanga sesituna. Ne ni ka taha ni zona, kono Na palelwa kufumana sa—sa ku litabisa mulyani, wa ku kuyula buhali. Mi ba ni hanisa kutaha ni zona mwa United States li si ka tabiwa kale pili, mi Ne ni palezwi ku fumana mulyani wani mwa Africa kaufela. Kono hane mu ka bata kuziba kuli ki tau kamba nee, mu ka sine fela hanyinyani. Ne kaka mi nwalula ku mi zibisa kuli ki tau, kacwalo—kacwalo seo si mi zibisa fo iyemi.

<sup>6</sup> Cwalo kona mo mu lukela kuezezanga fa ni fa, mwa ziba, ku comola kwateni mafufa, kuli mulike mi mubone. Kono, cwale, luna ha lu nyemangi sina tau; luna fela luna luna ni kulata, kwa. . . sicaba si buze lipuzo. Mi lipuzo ze cwalo zeo, Kezeli Ruth, ki zende, zende luli ku na. Ki yona. . . Na—Na lata cwalo, mwabona. Ki zona lika ze filikanya zani ze Ni sa tabelangi ku amuhela. Kono zani kwateni ki. . . zani neli zende.

<sup>7</sup> Cwale luna ni zeñwi zende, ze nahanisa, ki lipuzo fela za mwa lapa. Kuna ni mukutazi kwa mulaho kwani ona fa, yani buzize, kuli, “Bapolofita ba babeli ba Sinulo 11, kikuli ba ka taha Kungelwa ku si ka ezahala kale nji? Kamba Isilaele isika ngiwa kale? Mi ki sikamañi. . .” Cwale, zeo kona lipuzo ze—ze—ze mi ngangwa moya. Kono lipuzo ze bunolo sina ze zona li likile.

Kono cwale, lu sika kalisa kale, ha lu inamiseni litoho za luna kwa tapelo:

<sup>8</sup> Ndate, ku lemuhiwa kuli ha No li wa myaha ye lishumi ka ye mibeli ya kupepwa, No fumanwi mwa Tempele ni bañoli ni ba ngana, inge u ambola ni bona ka za Mañolo. Mi ne ba—ne ba komokile bakeñisa. . . baana ba kale, imbo neli baba itutile hahulu mwa Mañolo, mi haba bona Mushimani yomunyinyani wa lilimo ze lishumi ka zepeli za kupepwa na sweli fela—fela kuba lyanganisa, ka kutatulula kwa Mañolo. No li fa musebezi Wa Ndataho. Wa bulelela Bo maho kuli, “Kana ha mu zibi kuli Ni swanela kuba kwa musebezi Wa Ndate?” wa kutatulula Mañolo ni litalulo za ona za moya.

<sup>9</sup> Mi cwale lwa lapela, Mulena, kuli—kuli Wena ka kuziba mo lu fokolela ni mo lubezi ba sina tuso, ni mo lubezi baba tamehile kwa mafosisa amañata, kuli U tahe fela ube ni luna busihu bo mwa mufuta wa Moya o Kenile, mi u lu tatululele Mañolo. Ni libelela ni kuitinga ku Wena. Mi haiba Ni kona kuba, ka nako ifi kaufela, yalika kubeya maikuto aka kamba toloko kamba nto yeñwi ya buitati, ka kulika kueza kuli iutwahale kuli mo Ni tolokezi kona mukwa o lukile kipeto, kwala mulomo waka,

Mulena, sina Mo no ka ezeza . . . Mo no kwalezi ya litau, hane li tezi ku Daniele. Wena u sa li Mulimu yaswana.

<sup>10</sup> Mi tuhela kuli ibe ka kutala . . . Sina ha lu itinga fa Moya o Kenile, mi A kwalule fela lika ze ku luna. Mi cwale Ha ka be alibulela, li eze kuba ze namile hande kuli yena ya buzize puzo akone ku I amuhela. Mi haiba I alabiwa ka kushutana ni mo Ni lumelela, kona kuli kipeto pilu yaka haitabe hape, Mulena, ka kuziba kuli Ni fumani nto yeñwi yenca, ni nzila yeñwi yende ya Mulena. Kakuli U ize kuli, “Mubale Mañolo, kakuli ku Ona mu nahana kuli muna ni Bupilo Bobusafeli, kanti ki Ona a paka za Ka.”

<sup>11</sup> Cwale, kasumulaho wa tuto ya Mañolo ye, kubonahala kaniti kuli ika zusulusa minahano yemiñata ni zeñwi cwalo. Mi Na lapela, Mulimu, cwale kuli ona lipuzo ze kaufela ze bonahala kubuziwa ha munati ni ka musa, ni ona Moya o Kenile ka musa ni ka munati u li alabe. Kakuli lu kupa ka Libizo la Jesu, ni kwa kanya ya Mulimu, ni kwa kuhulisa Keleke ya Hae. Amen.

<sup>12</sup> Kuna ni linako zeñata fo maikuto asina tuso kwa sika kaufela, a sinyanga fela buino bwa sika. Mi cwale, lipuzo zetahile kasumulaho wa Liñolo le li buzizwe.

<sup>13</sup> Cwale, haiba Ni utwahala inge yaliza muloli busihu boo, Nina ni mubokwe. Mi Na beya mwateni, mi Hani koni ku kutaza, Ni banga ya bunya ha Ni kutaza; Ni li zusize, mi Ni bata ku utwahala inge ya liza muloli.

<sup>14</sup> Musala bo Billy Graham na bulezi likande ka yena, kuli lisheha le li sehisa hahulu la kile a mubona fateni, neli, kuli liino la hae ne li shokohile la fa pata. Ne li shokokile, mi nana ni tukiso ya fa mazimumwangala ka yona nako yani, mi—mi na palezwi . . . Ne li fa mukeke otezi meeno amañata fateni. Mi ha kala kubulela, na liza muloli “whew, whew” kufitela mwa liino la hae. Mi a bulela kuli na wile ka mañwele a hae, kulapela ni kufufulelwa, mizuzu yelishumi tukiso ya mazimumwangala isika kalisa kale, mi kwa mafelelezo ba li fumana ko ne liwezi mwa bulukwe bwa hae kwa minwana ya mahutu. Iliñwi ya malukwe a hae neina ni lona, ona liino la buhata lani. Mi Musala bo Graham ba mu bulelela ka lona, ona kwani. Mi kacwalo Ni na ni lona mwa kapepa ka kanyinyani, Ni sepa Ni na ni kona mwa Bibeke yaka mo.

<sup>15</sup> Mi kacwalo ki mufuta wa kuli . . . ha lu ya lu supala mi lu fokola, mwa ziba, mi luna ni ku latehelwa ki lika ze, li lu utwisa bumaswe. Mi kacwalo Na . . . hane Ni li kwahule ni Muzwale Roberson kwa mulaho kwani, ni babañwi, Ne ni sweli kutapa mwa hanu nako yeñwi kakusasana se ni loba kwateni siemba sa lona, mi se Ni liisa ku dokota, kuli ali kwese li lamatele. Kacwalo Mulena aekeze limbuyoti za Hae.

<sup>16</sup> Cwale lu ka ba, cwale, Ni ka lika kufita mwahala lika kaufela, haiba Ni kona. Mi, Muzwale Tony, ka sishemo sa

Mulimu, Nina ni toloko ya tolo ya hao, mi neli nto yende luli. Ni tabile hahulu ka kubona cwalo. Mi ki toloko yende, ko Ni nahana kuli ha Ni lukeli kubulela patalaza kwanu, kona kuli Ni ka ku bulelela sona kwa mukunda haiba hauna—haiba haina . . . haiba ubata ka nzila yeo. Na ni kupile busihu bobuñwi, hana bile ni tolo, mi ne Ni si ka mu bulelela sene sili sona kufitela Ni yak u Mulena ni kulapelela fateni. Mi Mulena a patulula kuna seo toloko neili sona. Ki nto yende, mi ki makande amande ku wena, Muzwale Tony.

<sup>17</sup> Cwale, mwa puzo yapili. Cwale, Hani zibi fela fa kukalela pili, kakuli kaufela zona ki zende. Kono, cwale, lulika ku sa inga nako yetelele, mi mwendi lu ka li feza la Sunda, haiba lu sa li fezi.

**51. Tatulula se sitaluswa ka “koto ya kuyakuile,” mwa Mateu 25:46. “Kono haili . . .”** Yeo kona puzo.

**52. Mi, puzo yabubeli: “Kono bana ba mubuso ba ka nepelwa kwa lififi la kwande,” kana ki nto yeswana ni ku ba lelekela kwande a muhupulo wa Mulimu?**

<sup>18</sup> Kihande, cwale, munge puzo ya mina yapili, ye fumaneha ku Muhalalehi Mateu, kuya twenti- . . . kauhanyo ya 25. Cwale lu ka . . . Cwale, Hani si ka bala lika zee, ne ni sweli fela ku li talimela kwa mulaho kwani, mi se ni lika fela ka mo nikonela kutalimana ni zona ka bunde mo Ni—mo Ni zibela. Mi mawi . . . Amu apule ni na mwa Libibele za mina, halunze lu I bala. Cwale, Ne ni bata kuli se si zwe mwa buka ya Sigerike ya litaluso za manzwi hape, kuli mube ni—ni makalelo a sona. Mi Na—Na lata cwalo. Kacwalo kona lu ka ba ni Sona mwahala zepeli za—mwahala zepeli za—za Sigerike ni ku zeñwi. Mi cwale se si kaba—si kaba ka mukwa wa kuzamaya hanyinyani, ni kubala, kakuli Ni lukela kuswala Mañolo kaufela ko Ni kona ku a fumana, ni ku abeya mwa sibaka sa ona. Ku lukile.

<sup>19</sup> Cwale, kuna ni ya bata Bibele ya kubala kuyona? Haiba mutabela cwalo, munanule lizoho la mina. Mi luka . . . Ni sepa luna ni zetaalu kamba zende kwa mulaho kfale. Haiba mubata kubala ka Mañolo, ku lukile. Muzwale Cox, mutahe kwanu mu ni ngele Libibele ze shaa? Mi ki—ki zende ku mina, haiba mwa kona, ku . . . (kuna ni iliñwi, mi muna ni—muna ni ku linga haiba mwa itakaleza zona, ki zeñata). Mi haiba kuna ni ya bata iliñwi, mu nanule fela lizoho la mina, mushimani uka itisa ku mina, mwabona. Mi lubata kubala lika ze hamoho, mi fela . . .

<sup>20</sup> Cwale, mwa palo ye ni likauhanyo za mafelelezo . . . ili likauhanyo ze sebene za makalelo a Buka ya Maheberu. Kasamulaho wa tuto, eeni sha, mushimani ya ñozi litaba ze, lituto zee, Muzwale Mercier ni Muzwale Goad, una ni zona mi cwale ubata ku li beya mwa mukwa wa buka. Mi bana ni zona. Cwale . . . mi haluna sika se si swana sina kukamuna neku, ne lu faluzi fela fahalimu. Mi Ni sepa ba li biza kuli . . . mi bangile li—li

liemba ze munati mwateni . . . mi basweli fela ku li kabisa liemba ze munati zeo, zelikani fela mwahala liemba ze munati za tuto ya Maheberu. Muzwale Mercier ukaba ni zona cwanoñu nyana faa, mwa mufuta o ñozwi, kaufela ya li bata.

<sup>21</sup> Cwale nto ye mwahali mo, ikenya mwateni . . . Hamukoni ku li feza . . . fela keleke ya bulumiwa cwalo, kanti mane ye yaluna ki keleke ya bulumiwa. Hamukoni ku li feza mwa—mwa tuto fela kusina kubatisisa ze akalezwa ni minahano ya buñata bwa sicaba. Mu lukela kueza cwalo. Cwale, Ni kwahule hahulu kwa kuba muluti, mane ha ni mupatululi wa Bibebe nihanyinyani. Kono Hani liki ku—ku bulela sika kaufela, kamba nihaiba kueza sika kaufela, kono pili—pili nina ni kubuza kamba kubatisisa mukwa o munde wa zona.

<sup>22</sup> Ne ni buzizwe ki muzwale waka yomunde, maabani busihu, mi ali, “Muzwale Branham, Muzwale Seward nako yeñwi na bulezi kuli wena—wena ha lukoni ku ku bitela fafasi mwa mukwa kaufela. Mwabona, kuti una ni fo yendamezi mwa kukona kupicukela lika kamba mwa kuzwela mwateni.”

<sup>23</sup> Se nili, “Kihande, libaka la seo, Ni kalanga ku nahana pili Ni si ka eza kale sika. Mwabona? Mi cwale haiba sicaba si ni buza, kona kuli Ni ba bulelela seo minahano yaka ili sona. Mwabona?” Kono haiba mu nahana hande. Mi mu si ka eza kale sika kaufela, mulike kunga sibaka sa kona kutabela Mulimu kuli munge, kona kuli fo ku kaba tata kuli si komiwe.

<sup>24</sup> Ha mu nahane nako yani fani—fani Akabe ha lika kuswabisa Elia. Mu mu nahane nako yene ba likile kuswabisa Jesu Bafarisi? Mwabona, Nana ni—Nana ni ku alaba kapili, kakuli lika kaufela za Na eza, Na li eza ka tato ya Mulimu, mi Yena . . . cwalo kona Mwa—Mwa na li zibelanga. Cwale, cwalo kona mo lu li batela ka zona.

Cwale puzo i buzizwe, luka ina ni puzo:

**Tatulula se si taluswa ka “koto ya kuyakuile,” mwa Mateu 25:46.**

<sup>25</sup> Cwale muteeleze hande. Mañi ni mañi cwale, Mateu 25:46:

*Mi bona bao ba kaya mwa manyando a sa feli: . . .*

<sup>26</sup> Cwale, puzo kikuli, “Kisikamañi . . . Tatulula . . .” Cwale linzwi lelili *kamita* lizwa kwa linzwi la kuli “kamita ni mita,” mi *kamita* ki “kalulo ya nako.” Li talusa fela “nako yekuma fa kuli,” sina *kuyakuile*. Cwale haiba mu ka bala fela . . . Ha ni zibi baba ñozi lipuzo ze, kakuli hakuna ya ñozi libizo la hae fateni; ne lisa lukelwi kuba ni mabizo kuñolwa ku zona, Ha ni a tokwi, mwabona.

*Bona bao ba ka ya mwa manyando a sa feli: . . .* (Cwale mutalimele, bao ki ba bamaswe.)

<sup>27</sup> Cwale, mulikani—mulikani yomunde ya buzize puzo, ubale fela zetatama mwa mulaho wa Yona:

. . . *kono ba balukile ba ye kwa bupilo bobusafeli.*

28 Ba bamaswe ba ka ya mwa koto ye sa feli (ki nako yeñwi ye tomilwe cwalo), kono ba balukile bana ni Bupilo Bobusafeli. Hamuna kufumana koto ya Kuyakuile, haku konahali. Mwabona, haiba bana ni koto ya Kuyakuile, kona kuli bana ni Bupilo Bobusafeli; ha ba na ni Bupilo Bobusafeli, konakuli ba pilisizwe he. Mwabona, ha ku konahali cwalo. Cwale haiba mu lemuha, mu—mu mukwa wa puzo i ipuzize yona iñi. . . ya ikalaba yona iñi. Mwabona?

*Mi ba . . .*

Cwale ha mu talime, Ni ka itahanela fa:

. . . *mi bona bao . . .*

29 Ku ya 20 . . . timana ya 44:

. . . *mi ni bona ba alaba, ba li ku Yena, Mulena, ki lili fo lukabela ni tala, hane u shwile linyolwa, mi muenyi, hanoli mapunu, . . . mi ni mwa tolongo, mi lwa palelwa ku ku sutelela?*

*Mi uka—mi uka ba alaba, kuli, Kaniti Ni li ku mina, Mo mu ezelize . . . kwa banyani baka, mu . . . ezelize na.*

*Mi bao ba kaya mwa manyando (a kamita): (bao ki ba bamaswe) . . . kono ba balukile baka kena mwa Bupilo Bobusafeli.*

30 Mwabona shutano? Ya maswe una ni koto ya kamita, kono *kamita* ki “nako ye tomilwe.” Cwale, haiba ikona kuba nto yeswana, ne ku ka ñolwa kuli, “Mi bao ba ka ya mwa manyando a sa feli, babañwi ba ka ya mwa bupilo bobusafeli.” Mwabona? Kamba, “Ba ka ya mwa katulo Kamita, mi babañwi baye kwa bupilo Bobusafeli.” Mwabona, haiba kuna ni katulo ya Kuyakuile, kufiwa koto ya kamita ni mita, kona kuli kuna ni Kuyakuile. . . una ni Bupilo Bobusafeli; mi mutu alimumu fela yana ni Bupilo Bobusafeli, mi bwani bu zwa ku Mulimu. Lika kaufela zesina makalelo halina mafelelezo, sika kaufela se si na ni makalelo sina ni mafelelezo. Mwabona se Ni talusa?

31 Cwale, Mañolo Kasibili akuli mu—mu mutu ya sepahala yani a alabile. . . Cwale haiba mu ka linga ka buka ya litaluso za manzwi, “*Mi bao ba ka ya mwa nako ya nyandiso, kupumiwa kwateni, mi bakene mwa- . . . mwa mulilo, lisa la mulilo.*” Cwale, linzwi leo a-i-n-i-o-n litalusa “sibaka sa koto.” Mwa buka ya litaluso za manzwi a Sigerike, ona moo, “sibaka sa koto,” kamba, “nako ya koto.” Mwabona, “Ba ka kena mwa nako ya koto.” Linzwi le li itusiswa ki lakuli, a-i-n-i-o-n. *Ainion*, le li talusa kuli “linako, ki nako, nako ye tomilwe.” Kipeto mu li kutiseze mwa—mwa toloko ye fa, ya Sikuwa, *kamita* ki “nako ye tomilwe.” Mwabona, li zwelela mwa Sigerike, “ki nako ye tomilwe.” Linzwi la kuli *ainion*, kamba a-i-n-i-o-n, *ainion* litalusa “nako ye tomilwe ya koto.”

<sup>32</sup> Kono cwale mubale amañwi, “Kono bao ba ka ya mwa Kuyakuile.” Yeo kona shutano. Mwabona, Bupilo bwa Kuyaile. *Kuyakuile* lizwa lwa linzwi la kuli “Kusafela,” mi ki Kusafela ko kusina makalelo kamba mafelelezo. Ki *kamita* ni kamita. Cwale seo si lukela kualaba sani, mwabona, kakuli haiba mu ka bala fela Liñolo le fa ka tokomelo, mu ka bona.

<sup>33</sup> “*Mi bao ba ka ya mwa manyando a sa feli, kono baba lukile . . .*” Ba bamaswe ba kaya mwa manyando a sa feli, ba fiwe koto mwa nako yetomilwe; mwendi ikona kuba lilimo ze likana bilioni, Ha ni zibi, kono kaniti mu ka yo fiwa koto ka libi za mina. Kono haibile fela sibi ne sina ni makalelo, sibi sina ni mafelelezo. Koto neina ni makalelo, mi koto ina ni mafelelezo. Mi lihele ne li bupezwi diabulosi ni mangeloi a hae. Mwabona? Ku lukile. Cwale, Nina ni yeñwi fa yekona ku alaba nto ye, mwa mizuzu fela yelikani, ili nto yende luli, itamahane ku yona.

Cwale, kono haili zee fa: **“Kono bana ba mubuso ba ka nepelwa mwa lififi la kwande,” kana fo kuswana sina ku ba zwisa kwande a munahano wa Mulimu?**

<sup>34</sup> Batili, haikoni kuba nto yeswana. Cwale, mu sweli ku swanisisa fa kwa Mulalelo wa Linyalo. Cwale, “Mi bana ba mubuso,” sina mo ku buzelizwe faa. Bana ba mubuso ki Majuda, mi ba nepelwa kwa lififi la kwande. Mi ba—ba nepezwi kwa lififi la kwande, mi bakeni mwa nako ya kulila ni kukweca meeno. Ne ba nepezwi kwa lififi la kwande kakuli ne li ka mi tomela mina ni Na nako ya kubaka, kono ne ba si ka zwiswa mwa munahano wa Mulimu. Haana kulibala Isilaele. Mi Isilaele, sina mubali wa Bibeke kaufela mwa zibela, itamahanywa kuli ki “bana ba mubuso.” Mwabona, ki mubuso, kona sepiso. Mwa manzwi amañwi, Mulimu utalimana ni naha, ha Na talimana ni Isilaele, ili bona bana ba mubuso.

<sup>35</sup> Cwale, muhupule, U bulezi fani kuli, “Mi Abrahama ni Isaka ni Jakobo,” mwa sibaka sesiñwi, “ba ka to ina mwa mubuso kwa mafelelezo a nako.” Mwabona, mi ni kuli Abrahama, Isaka ni Jakobo bakaba mwa mubuso; nebali mwateni, neli bona sicaba sa mubuso se si fuyozwi. Kono bana ba mubuso ba ka lelekelwa kwa lififi la kwande.

<sup>36</sup> Cwale, ko ku zwa tamahano fa ki—ki ku Munyali. Munyali ha ka taha, hane ba sa li . . . Balyanjo baba ketalizoho ne bailo katanyeza Mulena, mi—mi ne ba si ka lwala oli ni yekana mwa lilambi za bona. Mi haili—haili baba ketalizoho babañwi ba lwala oli mwa lilambi za bona. Cwale, haiba mu ka lemuha, ki siswaniso sesinde, sibeli sa Mujuda ni wa Macaba, sina baba hanilwe. Mubuluke seo mwa munahano, kuli kuna ni litopa zetalu za batu nako kaufela: ki Mujuda, wa Macaba (kuya ka swanelo), . . . ; ki Mujuda, wa Macaba, ni Keleke. Haiba mulyanganisa zeo, kaniti mu ka kena mwa butata ha mu ka fita fa Sinulo. Kakuli ha mu sa . . .

37 Inge Bo Bohanon bene baize kuna nako yeñwi, kuli, “Billy, kaufela ya ka lika kubala Sinulo ukaba ni litolo ze sabisa. Kiñi,” naize kuli, “ki yo Munyaliwa fa lifasi fa, mi ni—ni drakoni neisweli kukwa mezi mwa mulomo wa yona kuli i lwane ni yena.” Mi Ali, “Mi ka nako yeswana Muyaliwa uyema sina baba handeleti ni fote fo sauzande” (tuto ya Lipaki za Jehova) “fa Lilundu la Sinai. Mi ka nako yeswana Munyaliwa u mwa Lihalimu.” Batili, batili, mu lyangani.

38 Kuna ni likwata zetalu za batu. Mwabona, bao ki, Majuda baba hanilwe, hape kuna ni mwalyanjo ya lobezi yo mezi. . . Ya si Peu ya musali, ki bo masiyaleti ba Peu ya musali bao drakoni neikwezi mati mwa mulomo wa yona. . . Sinulo 11. Mi hape, kaniti, ba handeleti ni fote fo sauzande Majuda bona ne ba si ku Munyaliwa, ki bo masiyaleti ba keleke ya Sijuda. Mi tuto ya Lipaki za Jehova ye ba beya kuli kona bo Munyaliwa, Hani boni mo mukona kuezeza cwalo, kakuli, ha ki Munyaliwa.

39 Haiba mu ka lemuhwa mwa Sinulo mwani, I bulezi kuli, “Ki balyanjo.” Mi ki linjululume. Mi cwale njululume neli sikamañi? Neba. . . Njululume nali mulibeleli wa mwa tempele yana sileleza musala mulena, kakuli nebali. . . ka- . . . Ne bali baana bene ba fauzi. Neba na ni. . . Kikuli mu lemuhile, ku izwe, “A ba si ka isilafaza ni basali”? Nebali balibeleli ba mwa tempele. Mi neli sikwata se si ketilwe fela seo Mulimu na ikungezi mwahala baketwa ba Majuda. Cwale, haiba mulemuha. . . Haiba ne luka kona kuikungela seo fa nako nyana, kuli si kone kuinelela hande mwa minahano ya mina, ko mukona hande ku. . .

40 Halungeni Sinulo, kauhanyo ya 7, mi lu ka fumana hande cwale, kokuna. . . se I bulezi. Ki nto yende:

*Mi hakufelize zeo. . . Na bona mangeloi amane ayemi mwa maneku amane a lifasi, . . . (cwale, se sa zamaelela hande ni Ezekiele 9, kwa na boni sinyeho ya Majuda. Mi fa ubona sinyeho ya Bamacaba, Sinulo, kauhanyo ya 7). . . Mi Na bona mangeloi amane ayemi mwa maneku amane a lifasi, asweli mioya yemine (mioya italusa “ndwa ni lifapahano”). . . kuli kufuka kwa moya ku tokwahale mwa lifasi, ni mwa liwate, . . . nihaiba mwa likota. (mi yeo kona ndwa, “inza sweli”)*

41 Oh, kambe luna ni nako ya kukena mwa butungi bwa puzo yee. Sani ne si ezahalile. . . Kwani kona kwa na lyanganehezi Russell. Russell na polofitile, ka kubona kutaha kwa lika zee. A polofita ali “ikaba kutaha kwa Mulena Jesu,” kusina kuziba kuli neli—neli kuswaiwa kwa Keleke. Mwabona?

42 Mi ba komoka lifasi mo ne li lwanela. . . Ndwa Yapili ya Lifasi. Mutalime, ne ituhezi ka la Njimwana la ilebene, ka nako ya ilebene kiloko mwa musihali; kweli ya bu ilebene, lizazi la bu ilebene, ni hola ya bu ilebene. Mi kapili kasamulaho wa fani, kolobezo ya mezi ka Libizo la Jesu ya patululwa ni Kolobezo



ya Moya o Kenile kwa Keleke. Ka kuzamaelela, kapili fela kuzwa fani.

43 Haiba mukona kuapula mwa Sinulo, mo lu Li tamahanyelize hamoho, mi ni mwahala Lusika lwa Philadelphia ni lwa Laodesia. Mi ba Methodist nebana ni Lusika lwa Philadelphia, ili lilato la sizwale. Mi lusika lwa mafelelezo, lusika lwa keleke, neli Lusika lwa Laodesia, lone luli lusika lo lu enya fela. Mi U bulezi mwani kuli, “Ni beile sikwalo (munyako o kwaluhile) fapila mina.” Sikwalo se si kwaluhile! Mi haiba muka tamahanya Mañolo ao kwa mulaho, aka swalisana ni Liñusa kaufela hande mwa sikaba silisiñwi mwani, ku mi bonisa hande ka swanelo.

44 Amutalime! Kwanu kokubile lika kaufela za Ndate, Mwana, Moya o Kenile, mwa kolobezo, (ye lu lukela kukena ku yona ka swanelo) yeneli yona tuto ya Katolika mi mane ha ki tuto ya Bukreste. Batili, sha. Ni eza fela . . . Luna ni sona fa, busihu boo, kuli lukene ku sona; ni buka ya litaluso za manzwi, hape. Mwabona? Eeni, sha, mi ni makande a kale hape. Hakuna ni yomukana yakile a kolobezwa cwalo mwa Bibebe, kamba mane hakuna nihaiba kasumulaho wa lilimo ze mianda ye silezi kasumulaho wa Bibebe. Mi Na kona ku sipaka hande ka tuto ya Katolika, kuli kibona bene ba li kalisize, ni kufafaleza ni kusela.

45 Ba zwile mwani kutaha mwa keleke ya ba Wesleyan, ni kwa keleke ya Methodist, mi ba Methodist ba itisa ku ba Baptist, ba Baptist ba litisa kushetumuka cwalo, mi ni kacenu isali tuto ya buhata fela! Mi nakona kutaha mwa Bibebe ku mi bonisa hande se ibulezi Bibebe kuli “una ni libizo kuli wa pila, kono u shwile.” Yeo ki niti luli. Mi neba na ni . . .

46 Na kona kubonisa kuli Bibebe iluta kuli ne ba ka itusisa Libizo la Hae mwa kolobezo kufitela lusika lwa lififi, kuya mane kwa—kwa lusika lwa bune . . . ili lwa—ili lusika lwa keleke, Lusika lwa Keleke ya Pergamosi. Mi ki Hali, mwahali, mwani ka lilimo ze mianda ye lishumi ni ye ketalizoho ya lififi, mañi ni mañi, ali, “Una ni liseli nyana le li siyezi, kakuli ha u si ka latula Libizo la Ka.”

47 Ha li taha fa lusika lwani kwani, ya lusika lwa Katolika, Na ize kuli, “Una ni libizo la kuli ‘wa pila,’ kono u shwile! Mi u latuzi Libizo la Ka.” Ki fo he cwale. Mwabona? Kaufela sona si tahamahanya fela siswaniso sesinde hamoho, mwahala Bibebe kakutala.

48 Cwale amu lemuhe se:

*. . .ku swala mioya ye mine . . .*

*Mi Na bona lingeloi leliñwi le li zwa kwa Lihalimu,  
inge lina ni liswayo la Mulimu yapila: . . . (ki Liswayo)*

49 Cwale, liswayo la Mulimu yapila ki sikamañi? Cwale, mina mizwale ya Masabata mu ka bulela kuli, “Mubuluke lizazi la sabata.” Ni bata kuli mu ni bonise mwa Mañolo. Ha li yo

mwatени. Hakuna nihaiba sibaka silisiñwi kone kubile ni . . . ki—ki lona liswayo. . .

50 Haiba muka bala Maefese 4:30, kapili fela, mu ka fumana seo Liswayo la Mulimu yapila lili lona. Maefese 4:30 ili, “Musike mwa halifisa Moya o Kenile wa Mulimu o mu swailwe ka ona kuisa lizazi la kuliululwa kwa mina.” Isiñi kuisa kwa ancafazo yetatama, kono kuna ni silelezo ya Kuyakuile (uh-huh). “Musike mwa halifisa Moya o Kenile wa Mulimu o mu swailwe ka ona kuisa lizazi la kuliululwa kwa mina.” Mubone haiba Maefese 4:30 haiba ha ibuleli cwalo, mi kipeto munge palo ya manzwi a ñozwi kwa matuko ni ku shetumuka ni ona cwalo kutaha mwa Mañolo ani, mi mufumane. Cwale, “Ku swaiwa kuisa lizazi la kuliululwa kwa mina. Ki kuba ni liswayo la Mulimu yapila.”

51 Cwale, muhupule, Moya o Kenile no si ka lutiwa sina Kolobezo ya Moya o Kenile konji kasumulaho wa Ndwa ya Lifasi Ya I. Kona hane lu sa zo tabela fela tukuluho ya—ya luna yeipitezi kwabunde, myaha ye mashumi amane, kamba mwaha wa mashumi amane a tukuluho.

. . . mi la huweleza ka linzwi lelituna kwa mangeloi amane, ku lene li filwe ku holofaza lifasi kamba liwate,

*Kuli, U si holofazi lifasi, kamba liwate, kamba nihaiba likota, kufitela lu feza kuswaya batanga. . .* (cwale muya musutelela kwa puzo ya mina, “ya banana,” mwabona). . . *batanga ba Mulimu wa luna mwa lipata za bona. (usike wa holofaza, usike wa sinya lifasi, usike wa lumeleza ndalamiti ya atomic kupanca, usike waba ni musebezi otezi kufitela batanga ba Mulimu wa luna ba swaiwa)*

52 Cwale, haiba neluka nga seo ni ku sikutiseza hape mwa mulaho, kuli mane—mane nihaiba *Kwa Kufela kwa Ndwa ya Lifasi*, mwa kalulo ya bubeli, fani General Allenby ana lwanile kuli konji mane a yo nata fa milulwani ya Jerusalem, mane ayo fita ni kwa Mulena wa England, mi abulela kuli, “Ha ni lati ku kunupa fa muleneñi, bakeñisa kufuyolwa kwa ona.” Ki hali, “Ki sikamañi se Ni ka eza?”

53 Ki hali, “Mulapele.”

54 Mi a fufa fahalimwa ona hape, mi bamano eza cwalo, se bali, “Allenby wat aha.” Mi nekuna ni ba Mohammedan mwatени mwani, bene ba hupuzi kuli na bulezi kuli, “Allah wa taha.” Mi se ba paheka ndembela yesweu ni ku itoboha mi Allenby akena mwa Jerusalem ni ku ihapa kusina ku kunupa neba lilumo lelikana, kuya ka sipolofita, yeo ki niti, ni ku sikuluhela kwa Majuda.

55 Mi se ba fumana Hitler ku to nyandisa Majuda, mane ni mwahala lifasi kamukana, ni ku ba matiseza kukutela mwatени hape.

56 Mi Bibebe ibulezi kuli Uka “ba lamulela inza ba lwezi fa mafufa a mbande.” Mi ha ba kala kukuta . . . Ba *Life Magazine* ni babañwi ba li ñola lisunda nyana ze felile, kone baba kutisize ka likitikiti, kukeno mwa Jerusalem, mi baya ku yo tulukisa macembele ba kwa mikokoto ya bona. Ne ba buzizwe lipuzo. Ni na ni zona kaufela fa bwanda bwa manzwi ni maswaniso. Mi se bali . . . Ki yani ndembela ya linaleli zene ya Davida, ye lepelela fani; ili ndembela ya kale hahulu mwa lifasi, nako yapili haifukiswa mwahala lilimo ze likiti zepeli.

57 Jesu naize kuli, “Kota ya feiga haika tubula lipalisa za yona, lusika lo haluna kufela.”

58 Mi fa ne ba sweli kubatisa ni macembele ba bona, mi bali, “Sikamañi? Kikuli mutaha ku to shwela mwa naha ya mina?”

59 Bali, “Batili, lutaha ku to bona Mesia.”

60 Mi, muzwale, Na mi bulelela, lu fa munyako! Ki bani batanga, bona babasweli ku libelela kwatasi kwani. Isiñi sikwata sa Majuda sesika mi puma ni meeno a buhata haiba sa kona, yani ha ki Mujuda ya bulelwa. Kono ki bani kwabuse koo baba bulukile—ba bulukile mulao ni lika zeñwi, mane bali kuba ba sa zibi kuli kuna ni Mesia.

61 Mi Muzwale . . . kwa Stockholm, Muzwale Petrus, aba lumela libebele zekuma fa wani milioni za Testamente Yenca, mi ha ba li amuhela ne basweli kubala. Se bali, “Kihande, haiba yo ki yena Mesia, ha lu mubone haeza sisupo sa mupolofita, mi lu ka mu lumela.”

62 Ha ki buino ni boo kwa bulumiwa bwaka! Ne ni yemi ka liholo zepeli fa minyako ya Jerusalem, kuli ni kene mwahali, mi Nenili fa Cairo, Egypt. Mi Ne ni sweli kuzamaya kulo kwani, mi Moya o Kenile wali, “Usike wa ya cwale.”

63 Na hupula kuli, “Ni sweli fela kunahana. Tiketi yaka ilekilwe kale, Ni mwa musipili waka. Kuna ni muuna ya ka yo ni amuhela kwani, sikwata kaufela, likolo ni lika zeñwi.”

64 Na shenya fapata nyana, mi Moya wa li, “Usike waya! Usike way a.”

65 Na kutela ku mulekisi wa matiketi hape, Se nili, “Na kwalisa tiketi ye. Ni bata kuya kwa ma Athen, Greece, kwa Mars Hill.

66 Mi ki hali, “Kihande, tiketi ya hao i tokwa kuli uye kwa Jerusalem, muñaka.”

67 Se nili, “Ni bata kuya kwa ma Athen mwa sibaka sa kuya kwa Jerusalem.” Moya o Kenile wa libelela, hola yani ha isika fita kale. Fela ha ki nto ye lukile.

68 Mutalime:

. . . kuswaiwe batanga ba Mulimu wa luna mwa lipata za bona,

*Kuli, Musike mwa holofaza lifasi, . . . kufitela halu . . . muswaye batanga ba Mulimu wa luna mwa lipata za bona. (kaufela mwa ziba kuli Liswayo kona Moya o Kenile; amubone)*

*Mi Na utwa palo ya baba swailwe: . . . (cwale, haiba ha ki Majuda, mutalime se) . . . mi kwa swaiwa baba handeleti ni fote fo sauzande ki ba ba swailwe kaufela mwa masika a Isilaele. (hakuna wa Macaba mwahala bona. Kwani ki kwa nako ya mafelelezo)*

<sup>69</sup> Mutalime! Lusika lwa Juda, twelufu sauzande; lusika lwa Rubeni, twelufu sauzande; ni kushetumuka cwalo, Gadi, twelufu sauzande; Nefetalimu, ni—ni—ni musipili kaufela kutaha ku Aseri, ni—ni Zabuloni, ni masika asili kaufela a Isilaele. Mi twelufu ha ialulwa ni twelufu ki bukai? Handeleti ni fote fo sauzande. Ki bao ba ba eza handeleti ni fote fo sauzande, Majuda! Hakuna wa Macaba, Majuda! Zeo halina za kueza ni Munyaliwa. Konakuli Lipaki za Jehova ba lyangani ka tuto ya bona. Bibeles ibulela patalaza hahulu kuli ki “Majuda,” mi ha ki Bamacaba. Ki batanga ba Mulimu, mi Bamacaba ne ba si ka baliwa kuba batanga. Luna lu bana ba bashimani ni basizana, isiñi batanga.

<sup>70</sup> Cwale mubale kalulo ye siyezi ya Yona. Sina mutu ya ca lihapu, ya naize kuli, “Ki yende, kono ha lu ceni zemu za lona.” Ku lukile, Mulimu una ni zeñata za Yona mwateni. Cwale, mulemuhe fela. Cwale, cwale lu fa timana ya 8:

*Mi kwa lusika lwa Zabuloni . . . kuswailwe ba twelufu sauzande. Lusika kaufela lwa Josefa ne ku swailwe ba twelufu sauzande. Mwa lusika lwa Benjamine neku swailwe ba twelufu sauzande.*

<sup>71</sup> Mwabona, Joani, ka kuba Mujuda, na ba zibile mañi ni mañi wa bona, na boni masika a twelufu a Isilaele; twelufu sauzande kuzwa mwa lusika ni lusika, twelufu ha i alulwa ni twelufu iba handeleti ni fote fo sauzande. Ki bao cwale, isiñi Keleke, ki Majuda. Bibeles ibulezi mo kuli, kaufela bona ne bali “bana ba Isilaele,” lusika kaufela ne lu pundilwe.

<sup>72</sup> Cwale amutalime, timana ya 9:

*Hakufelile zeo (cwale fa kutaha Munyaliwa)*

*. . . Hakufelile zeo Na talima, . . . nabona, buñata bo butuna, kusina yakona ku ba bala, . . .*

<sup>73</sup> Ki zeo linjululume za tempele, ki baba handeleti ni fote fo zausande, ki sibaka se si likani fela, ki balibeleli fela ba ba likani baba kaba ni Munyaliwa; fela ki Yena—fela ki basindeketi ba Hae. Bao ki bona baba handeleti ni fote fo sauzande, ki bona baba sindeketa Munyaliwa; ili linjululume za tempele.

<sup>74</sup> Mutalime! Kakuli, Ni ziba kuli mu kutela kwa timana ya 14, mi muli, “Kiñi, ba zamaya ni Munyaliwa kaufela ko ba . . .”

Kaniti! Linjululume li zamayanga ni mulena wa musali kaufela ko aya. Luli! Kono nebali sikamañi bona? Ne ba si nto yeñwi kwanda kuba basindeketi, mi sani ki sona luli sa bulela Mañolo kuli kona mo kuinezi faa.

75 Mulemuhe:

*Mi hakufelile zeo...mi, nabona, buñata bo butuna bwa batu, kusina ya kona ku ba bala, ba zwa mwa macaba kaufela, ...ni mwa mishobo, ...ni sicaba, ni lipuo, ... (ki yoo Munyaliwa wa mina wa Bamacaba ya taha, ku lukile) . . .ba yemi. . .fapila Ngunyana, (ki yani Mupulusi wa bona, ki Ngunyana, isiñi mulao; ki Ngunyana, Sishemo) . . .ba apezi likubo ze sweu, . . . (amutalime, mwa mizuzu yelikani, mubone haiba likubo ze sweu ha ki kuluka kwa ba bakenile) . . . basweli nzalu mwa mazoho a bona;*

*Inze ba huwa ka manzwi atiile, . . . (haiba nji ye ha ki ancafazo ya Pentekota, Nali kuba ni utwe nihaiba yekana kanti) . . .ba li, Kupilisa ki kwa Mulimu wa luna ya inzi mwa Lubona, ni kwa Ngunyana.*

*Mi mangeloi kaufela na yemi abeile lubona, ni ba bahulu ni libupiwa zepila zene mwahali, . . .a wa ka . . . lipata za fapila lubona, a kubamela Mulimu,*

*A li, Amen: Milumbeko, . . .ni kanya, . . .ni butali, . . .ni buitumelo, . . .ni likute, . . .ni bulena, ni mata, ki za Mulimu wa luna mwa linako ni linako. Amen.*

76 Seo si utwahala inge nako ya mukopano wa sikundi, nji cwani? Ikaba yona! Bani neli bomañi? Ba handeleti ni fote fo sauzande? Hakuna ni hanyinyani! Ona palo tuna yeo kuli hakuna mutu. . .ba mishobo kaufela, malimi, ni linaha. Kikuli ha u boni, mulikana ka yomunde?

77 Cwale amutalime, mu I bale fela. Cwale:

*Cwale yomuñwi ku ba bahulu a alaba ali, a li kuna, Bao ba ba apezi . . .likubo ze sweu ki bomañi? mi bazwa kai?*

78 Yomuhulu ali ku Joani, yanali Mujuda yana ziba ka za baba handeleti ni fote fo sauzande, ali, “Cwale, u ba zibile, kaufela bona ki Majuda. Kono bao ki bomañi? Ba zwile kai?” Mwabona sa na bulezi yomuhulu? “Yomuñwi ku ba bahulu a alaba,” (bao ki ba bahulu ba ba yemi fapila Lubona) “a ni alaba, ali, ‘Bao ba ba apezi likubo ze sweu ki bomañi? Mi ba zwa kai? Cwale, luna kaufela lwa ziba Majuda ni bulikani bwa bona ni zeñwi cwalo, kono kana bao batile lili?’” Cwale hamutalime:

*Mi Na mu alaba nali, Mulena ka, ku ziba wena. (“Na—Na—Na hani zibi,” Joani ali, “ha ni li utwisisi. Ha ni zibi.”) A li ku na, Bao ki ba ba zwa mwa ñalelwa yetuna, (“Mwahala miliko ni likozi zeñata ze, maswenyeho ni*

ze sabisa, mo Ni se ni fitile.” Mwabona?) . . .bao ki ba bazwa *mwa ñalelwa yetuna, ba tapisize liapalo za bona, . . .*(mwa keleke? Kana seo sa utwahala hande cwalo?) . . .*ba tapisize liapalo za bona, ba li sweufalize mwa mali a Ngunyana.*

. . .bainzi fapila *lubona lwa Mulimu, mi ba Mu sebezanga musihali ni busihu. . .*(ki mañi ya ni sebezanga mwa lapa laka? Musala ka. Ki cwalo kana?) . . .*mwa tempele ya Hae: . . .*(bao kona baba pila nina mwa lapa la ka mi ni mwa bufumu bwaka, ki musala ka. Ki yena yaina ni na, mi u tapisa libyana za ka, ni ku ni bulukela lika) . . .*mi yainzi mwa lubona uka ba beya mwa mukunda wa hae.* (Oh, mawi, amuteeleze!)

*Mi habasana kulapa ni kamuta, . . .*(ku bonahala kuli inge neba inzi ni tala fa nako yetelele ba sa ci sesiñwi) . . .*kamba nihaiba kushwa linyolwa ni kamuta; habasana ku ciswa ki lizazi, ni ki sesiñwi.*

*Kakuli Ngunyana ya mwahala lubona u ka ba lisa, abaise kwa maweluwelu a mezi a bupilo: mi Mulimu uka takula Miyoko . . .kaufela kwa meto a bona.* (ki Yani fani, ki yo Munyaliwa wa mina)

<sup>79</sup> Ki bao baba handeleti ni fote fo sauzande ba mina, ki bao batanga ba mina. Kacwalo “bana ba Mubuso” fa, mutu yomunde ya buzize puzo, ki . . .ya buzize puzo ye bukwala ye. Ni nahana kuli mwendi Ni i siile mwa . . .kokuñwi, kono “ha ba ka lelekelwa kwande,” kana seo ha si talusi kuli ba ka lelekelwa kwande a munahano wa Mulimu. Ba lelekelwa kwande a lifa la moya fa nako nyana. Mwabona, fa nako nyana fela.

<sup>80</sup> Kakuli, mupolofita ha na boni mu Isilaele mwa lizazi le lana taha ku lona, abulela ali, “Kihande, kana Isilaele ikabateni Sabata ha ika zwiswa kwateni, mi—mi ba ka lekisa la Sabata sina lizazi lifi kaufela, ni lika zeñwi ze kaufela.” Mi ali, “Kihande, kikuli Uka—kikuli Uka . . .Kana Isilaele uka libalwa kufelegele?”

<sup>81</sup> Ki hali, “Ipahami cwani mwa butelele bwa mwa halimu? Lifasi litungile cwani? Li likanyise ka kota yeli fapila hao yeo.”

Ki hali, “Ha ni koni!”

<sup>82</sup> Ki hali, “Nina ha Ni koni kulibala Isilaele.” Batili kutokwa! Isilaele hana kulibalwa ni kamuta.

<sup>83</sup> Kacwalo, mwa bona, *kamita* ni *Kuyakuile* ki lika zepeli zeshutana zeo. Isilaele na libezwi, kono ha si ka zwa mwa munahano wa Mulimu. Mi Paulusi wa ibulela kulo fa, kambe Nina ni . . .nako ya kubala, kuli Ni akufe kapili ni fite kwa Liñolo lani . . .Ne ni ka aswanisisa ku mina, mwabona, le li ka taha mwa muhupulo waka.

<sup>84</sup> Paulusi wa bulela mwani, ubulela kuli luna Bamacaba lu utwe, mo lu zamaezi ni se lu ezize. Mwabona? Kakuli haiba Mulimu ha si ka shemuba mutai wapili, mwabona, mi luna lu kenyizwe mwateni kwa ku comekiwa fela, mwabona, . . . Mi Isilaele, bene ba fofualizwe fa nako nyana, a bulela. Fa nako nyana fela, Isilaele na fofualizwe. Yeo ki niti, kono kono lisila li ka zwiswa kwa meto a bona. Mi fani kona fo wa Macaba wa mafelelezo ha pepilwe mwa Mubuso wa Mulimu, mi kona masila a bona a ka zwiswa kwa meto a Isilaele. Mi ba ka bulela kuli, “Yeo ki yena Mesia yo Ne lubata kubona.” Yeo ki niti, kono sikwalo sa Bamacaba si kwalilwe (areka i—i kwalilwe), ha kusana—hakusana sishemo se si siyezi ku Bamacaba ka nako yeo.

<sup>85</sup> Cwale, Ni nga hahulu nako yeñata fa puzo iliñwi. Mi yomuñwi uli, “Cwale hauna kufita ku yaka.” Kihande, lu ka akufa mi lubone haiba halukoni kufita ku yona.

<sup>86</sup> Ku lukile, kuna ni—yetelele. Mi nako yateni kaufela musali a ni buza kamba ki muuna yana ni buzize, kamba neli mañi yani kaufela, ku lukile.

**53. Kana ha ki niti kuli Mulena Jesu na shwezi lifasi kaufela, kutalusa mutu kaufela mwa lifasi, kono ibe. . .**(cwale, Ni ka tatulula nto yeo, kono yena musali yo. . . muuna kamba musali, yali yena kaufela. . . Kubonahala inge ki muñolo wa musali) . . . **kono ibe fela kwa—ibe fela ku ba mwa libaka kaufela za lifasi, bao Ndate na Mu file? Bona bao kusikaba kale mutomo wa lifasi, Mulimu na zibile kale kuli bate kwa Bupilo Bobusafeli, ni ku ba keta kuya ka tato ya Hae Tota yende?**

<sup>87</sup> Kaniti, yeo ki niti! Yeo luli ki niti. Jesu na ba shwezi . . . isiñi fela kuli . . . Una ni mulelo.

<sup>88</sup> Halu boneni, Na lumela ni . . . Na—Na lumela ba balile . . . ki puzo ye tahile ku ye:

**54. Mañolo kusina ku kakanya alu bulelela kuli bao ki bona ba basike ba—ba piliswa. Kabakaleo. . .**

<sup>89</sup> Yeo luli ki niti. Mañolo alu bulelela kuli kuna ni batu baba lukisizwe kale ki Mulimu kuli ba ka sinyeha.

<sup>90</sup> Kikuli mutabela ku i bala, kuli ibe kwahule ni munahano wa mina? Ku lukile, ha lu apuleni mwa Buka ya—ya Juda, Juda wa bulela fa.

*Juda, mutanga wa Jesu Kreste, munyana Jakobo, ku baba kenisizwe ki Mulimu Ndate, mi ba bulukilwe ku Jesu Kreste, mi ba bizwa:*

<sup>91</sup> Mubone bao a Li ñolela? Ha ki muezalibi, isiñi sebelezo ya bulumiwa fela, kono ku baba kenisizwe ni baba bizizwe. Mwabona, bona babali kale mwa Mubuso.

*Mufiwe sishemo, ni kozo, ni lilato, ka ku atelwa.*

*Balatiwa, . . . Ne ni shukezwi kumi ñolela ka za kupiliswa ko lu kopanezi, mi ni sa hapelezwa ki pilu ku mi ñolela, ni kumi lemusa . . . kuli muna ni ku lwanela tumelo yekile ya fiwa balumeli hañwi.*

*Kakuli ku mina kuizwakile batu babañwi, be katulo ya bona ye bafa mulatu iñozwi kale, . . . (cwani?) . . . basinya sishemo sa Mulimu wa luna ku si fetula buozwa, . . .*

92 Ba lukisizwe kale! Isiñi kuli Mulimu uinzi fa lubona, ni kubulela kuli, “Ni ka pilisa muuna *yo*, Ni ka bulaya muuna *yani*.” Sani ne sisi cwalo! Mulimu a shwa, mi cwale Jesu ha na shwile, swalelo ya apesa lifasi kamukana ku mutu kaufela. Kono Mulimu, kuya ka kuziba kwa hae. . . Ha lati kuli Aeze. . . Ha lati kuli ni yomukana a shwe. Na bata kuli mañi ni mañi a piliswe. Wani neli ona mulelo wa Hae—wani neli ona mulelo wa Hae wa Kuyakuile. Kono haiba Na li yena Mulimu, Na zibile yana ka piliswa ni yanasike kupiliswa. Haiba Na sa zibi, kona kuli Ne si Mulimu ya sa palelwi lia. Kacwalo Bibebe iluta ona cwalo. Kuli lukone kuba. . .

93 Kambe luna ni nako ya ku apula mo mwa Maroma, kauhanyo ya 8, mi ne mu ka ibala. Maroma, kauhanyo ya 9, libaka zeñwi zeñata mwa Bibebe. Maefese, kauhanyo ya 1. Mi mwakona kubona kuli keto ya Mulimu, kuli ikone kuyema ka kusepahala, Mulimu na file bulikani kusina mulao. Aluma Jesu ku to shwela ba Na zibile kale. Mwabona?

94 Ha ki kubulela fela kuli, “Kihande, muli Mulimu ha zibi haiba uka piliswa kamba nee?” Mulimu na zibile kale kuli u ka piliswa, kamba hauna kupiliswa, mane lifasi lisika kalisa kale, kusi cwalo Na si Mulimu.

95 Kana mwa ziba libizo la kuli *kusafela* li talusa? Mutalime fa. . . mutalime mwa buka ya litaluso za manzwi ni kufumana seo linzwi leo la *kusafela* litalusa. Kiñi, Na zibile kale mununu kaufela okaba mwa lifasi, nzinzi kaufela, bunyambuta kaufela, maikulokuwawa kaufela. Na lizibile kale lisika taha kale kuli libe teni, kusi cwalo Na si Mulimu. Kiniti, Na li zibile. Ku lukile.

96 Mi, mwahali mwani, Mulimu nasike kubulela kuli—nasike kubulela kuli, “Ni ka kunga *wena*, ni ku kuisa kwa lihele; mi Ni ka nga *wena*, ni ku ku isa kwa Lihalimu.” Mulimu na bata kuli sibili sa mina muye kwa Lihalimu. Kono ka kuziba kwa makalelo U lemuhile kale kuli alimumu ukaba kuluku, mi yomuñwi ukaba mutangana yomunde mi wa Mukreste. Mwabona? Kabakaleo Nana ni kuluma Jesu kuli ashwe, kuli apiliswe. Kana mwa utwa?

Cwale amutalimele fa:

**Mañolo alu bulelela kusina kukakanya kuli bao ki bona babasike ba piliswa.**



**55. Kabakaleo haiba swalelo iapesa kaufela...ba lusika lwa Adama, mi babañwi latehile bakeñisa kuli ne ba si ka iponahaza kwa sepiso, kamba ka swanelo, ha ki kuli... hakulata-...tukuluho...kikuli kuka...kuka ba mata amatuna kufita mihupulo ya Kuyakuile ni milelo ya Mulimu Yamata kaufela? Kana kukaba kuli... (Mutu yo cwale, fa puzo ya bubeli ye, wa buza.) Kana tato ya mutu haikoni kuba mata atiile kufita milelo ni mihupulo ya Kuyakuile ya Mulimu Yamata?**

<sup>97</sup> Batili, muzwale waka kamba kezeli. Batili sha! Hakuna sika se si tiile kufita. . . Tato ya mutu haikoni kubapiswa ni—ni milelo ya Kuyakuile ya katulo ya Mulimu. Haku konahali kuba cwalo, mwabona.

<sup>98</sup> Cwale, puzo ya mina yapili ne ilukile. Puzo ya mina ya bubeli haikoni kuba cwalo, mulikani. Kakuli talima, talima mo iñolezwi fa, mwabona: “Kana tato ya mutu hanili ina ni mata amatuna kufita milelo ni mihupulo ya Kuyakuile ya Mulimu Yamata?” Kiñi, batili kutokwa. Ku konahala cwani kuli tato ya mutu itiye hahulu kufita mulelo wa Mulimu Yamata kaufela? Mi mutu mwa buino bwa hae bwa butu fela bwa kuba ni sa tabela, abe ya mata hahulu kufita Mulimu wa Kuyakuile, mwa kona kubela? Batili kutokwa! Ha ku konahali kuba cwalo, mwabona. Mulimu wa Kuyakuile, Yana ni mulelo o petahalile, mukona kubulela cwani kuli—kuli mutu wa lifasi mubu fa, hakuna taba kamba ki ya lukile cwani (ni hakona kuba ya cwalo), milelo ya hae haikoni kulikanyiswa: yona—yona milelo ya Kuyakuile ya Mulimu Yamata kaufela.

<sup>99</sup> [Kezeli wa bulela mwahala kopano—Mu.] Eeni. [“Mu ni swalele. Ne ni bata fela kubuza puzo, mi—mi upalezwi ku utwisisa se Ni talusa foo.”] Eehe, ku lukile, kezeli. [“Ha ni lumeli cwalo ni hanyinyani, Ni talusa kuli ‘mulelo wa Mulimu wa Kuyakuile una ni mata fahalimwa tato ya mutu.’”]

<sup>100</sup> Yeo ki niti. Oh, kihande, Ni—Ni ibalile ka mafosisa kanti, mwabona. Ku lukile. Eeni, kanti ubulela niti ukondisize, kezeli. Ne ni sa zibi kuli ki—ki puzo ya hao. Ku lukile. Kono, mwabona, fo Ni ingile ki fa, mwabona, . . . Cwale halu boneñi, “Kuapesa lusika lwa Adama kaufela, mi babañwi ba lateha kakuli ne ba si ka iponahaza ili bona—bona kwa swanelo yateni, hanili tato ya mutu itiile kufita mulelo wa Kuyakuile wa Mulimu Yamata kaufela?” Mwabona, Ne—Ne ni tolokezi musili muhupulo wa hao foo. Eeni, mulelo wa Kuyakuile wa Mulimu Yamata kaufela. Kihande, ao kona mafelelezo ateni.

<sup>101</sup> Ni sepa kuli mañi ni mañi wa utwisisa seo. Mwa utwisisa, amunanule mazoho a mina. Ki—ki mulelo wa Kuyakuile wa Mulimu Yamata kaufela, okona kuba nto yefitelezi—nto yefitelelezi hahulu ku zeo mutu akona kueza.

Cwale:

**56. Ha ni utwisisi liseli fa kolobezo ya mezi, mwa kauhanyo ya 28 ya . . . timana ya 19, ya Mateu. Kana se sitalusa sikamañi?**

<sup>102</sup> Kihande, cwale, mwendi haina ku ni liyehela kono ki muzuzu fela. Mi halubeni ni yomumu yaka apula hamoho ni na haiba mwalata, ku Mateu, kauhanyo ya 28, ni timana ya 19. Mi lu ka fumana hande, sa bulela mutu yo . . . twenti faifi . . . Cwale, Se si ka mieza baba tiile haiba muka pila ni Sona. Ki—Ki se sinde, mwa bona. Ha ki sa bulumiwa, kono Ki sa . . .

<sup>103</sup> Cwale luka . . . Cwale fa kona fo balika batu kubulela kuli, “Ki yeo twaniso mwa Bibebe.” Cwale, Ni bata kuli yomumu a apule mwa . . . ni mwa Mateu 28:19. Kamba, batili, Ni bata kuli yomumu . . . Mateu 28:19. Ni bata yomumu kuli a apule mwa Likezo 2:38. Una ni Bibebe ya hao foo, Muzwale Neville?

<sup>104</sup> Mi Ni bata kuli muipalele yona cwale. “Mi Ni ka mi bonisa twaniso yetiile mwa Bibebe. Ni seo—seo Bibebe . . . Batu ba li ‘kutokwa Bibebe ha iitwanisi ili Yona,’ Ni bata kuli munge taba ye ka tokomelo.”

<sup>105</sup> Mi se si beyanga baituti ba za bulapeli mwa kulyangana. Kono Ki—Ki nto yebunolo. Cwale Ni ka bala Mateu 28:19, mu ni latelele. Mi babañwi ba mina mutalime Likezo 2:38, mu itukiseze yona. Ni ka kalela fa timana ya 18, ye ki kauhanyo ya mafelelezo mwa Mateu:

*Cwale Jesu ataha mi abulela kwa baluti- . . . abulela ku bona, ali, Bulena kaufela bu filwe kuna mwa lihalimu ni mwa lifasi. (bukai bulela bwa Ndate cwale?)*

<sup>106</sup> Haiba nji bulena kaufela mwa Lihalimu ni mwa lifasi bu filwe ku Jesu, Mulimu kanti Hasana mata nji cwani? Kamba kana Na bulela fela likande? Kikuli Na sweli fela kueza lisheha? Na talusa ona Cwalo! Kana ha mu lumeli kuli Na talusa ona Cwalo? Kihande, haiba nji mata kaufela a filwe ku Yena, kanti cwale mata a Mulimu he akai? Nali yena Mulimu! Yeo ki niti. Yeo kona nto inosi fela yeliteni ku zona. Kona fela mo ne kuinezi lika ona cwalo. Mwabona, Nali yena Mulimu; kamba kuna ni yomuñwi usili yainzi kwani, yana na ni mata amañwi, yena hasana ona cwale. Mwabona? Kacwalo hamukoni ku—hamukoni ku I lyanganisa. Lu ka fita ku yona fa taba yeswana yee faa. Ku lukile:

*. . . Bulena kaufela mwa lihalimu ni lifasi bu . . . mwa lihalimu ni mwa lifasi.*

*Muye cwale, . . . mulute macaba kaufela, mu ba kolobeze ka libizo la Ndate, ni la Mwana, ni la Moya o Kenile:*

*Mu ba lute kumamela litaba kaufela ze Ni mi laezi: . . . amubone, Ni inzi ni mina kamita, mane kuisa ni kwa mafelelezo a lifasi.*

<sup>107</sup> Likezo 2:38, cwale yomumu abale. Amulibelele fa muzuzu fela. Likezo, kauhanyo ya 2, ni timana ya 38. Cwale, amuteeleze ka tokomelo cwale, mi mube fela baba iketile, mi lu ka bona cwale. Cwale, fa ki kasumulaho wa mazazi a lishumi Jesu amano ba bulelela cwale, Mateu 28:19, “Muye cwale, mulute macaba kaufela, mu ba kolobeze ka libizo la Ndate, ni la Mwana, ni la Moya o Kenile.”

<sup>108</sup> Cwale, Pitrosi, kasumulaho wa mazazi a lishumi. . . Ne ba si ka kutaza kale sebelezo ni yekana. Ne ba pahami fa ndu ya fa halimu mwa Jerusalema, mi ba yo libelela mwani (ka mazazu a lishumi) kuli Moya o Kenile utahe. Ki ba bakai baba ziba cwalo? Mwa sibaka se. Ki yo fa Pitrosi, Pitrosi una ni linotolo za Mubuso. Ku lukile, lu ka bona sa ka eza. Mateu, kamba Ni talusa Likezo 2, halungeni timana ya 36:

*Kabakaleo ba ndu ifi ni ifi ya Isilaele kaufela bazibe ka niti, kuli Mulimu u ezize yena Jesu yaswana yoo, ye mu. . . kokotezi fa sifapahano, kuba Mulena ni Kreste.*

“Bubeli bwa Mulena ni Kreste.” Ki kabakaleo, bulena kaufela mwa lihalimu ni lifasi hane bu filwe ku Yena.

*Cwale ba si no utwa zeo, ba tabeha kwa lipilu, mi ba li ku Pitrosi ni. . . babañwi ba baapositola, Mizwale ni baba bahesu, lu ka eza sikamañi?*

*Pitrosi a alaba. . . Pitrosi ali ku bona; Mubake, mutu ni mutu wa ku mina, mi mu kolobezwe ka libizo la Jesu Kreste kwa swalelo ya libi za mina, mi muka amuhela mpo ya Moya o Kenile.*

<sup>109</sup> “Cwale, ki yeo twaniso foo. Mateu uize, ‘mukolobezwe ka Ndate, Mwana, Moya o Kenile,’ mi Pitrosi ubulela mwa Likezo 2:38, kasumulaho wa mazazi a lishumi, ‘Mubake, mi mu kolobezwe ka Libizo la Jesu Kreste.’”

<sup>110</sup> Mi nako yetatama kubaka ha ku bulelwa—bulelwa, kamba, kolobezo, mwa Bibeles, ki Likezo mwa—mwa kauhanyo ya 8, fani Filipi hanailo kutaza kwani. . . kwa—kwa Masamaria. Mi ba amuhela Moya o Kenile, mane ba kolobezwa ka Libizo la Jesu Kreste.

<sup>111</sup> Nako yetatama hane ibulezwi, neli fani Bamacaba ha I amuhela, Likezo 10:49:

*Mi Pitrosi ali a sa. . . bulela manzwi ao, amubone, Moya o Kenile wa wela. . . fahalimwa. . . baba utwile manzwi.*

*Kakuli ne ba ba utwa babulela ka malimi, ni kulumba Mulimu. Mi Pitrosi ali,*

*Kikuli mutu uka ba hanisa mezi baa, ka kubona kuli ni bona. . . ba amuhezi Moya o Kenile o lu amuhezi kwa makalelo?*

*Mi aba laela kuli ba kolobezwe ka Libizo la Mulena  
Jesu Kreste.*

112 Cwale halu boneni ni be ni sesiñwi fa, ni mi bonise fela nto yenyinyani kuli musike mwa ilibala; ni ka bonisa nto ye likani yateni. Ni ka beya. . . Ki masika amakai-. . . mishobo ye mikai ya batu ba baliteni mwa lifasi? Kuna ni yemilalu: ki sicaba sa Kama, Shemu, ni sicaba sa Jafeta. Ki ba bakai baba ziba cwalo? Lu zwelela ku bona bana ba bashimani ba balalu ba Nuwe bao. Sicaba sa Kama, sicaba sa Shemu. . . sicaba sa Jafetia kona ma Anglo-Saxon, sicaba sa Shemu ki. . . Ki yona mishobo yemilalu, yeo ki: Mujuda, Bamacaba, ni licika la Mujuda ni Bamacaba. Cwale, mulemuhe, mi cwale zeo foo. . . mi yo *ki* Kama. . . Shemu, Kama, ni Jafeta.

113 Cwale, nako ya pili hane ku bulezwi kolobezo, ne ibulezi ki Joani Mukolobezi. Ki ba bakai baba ziba kuli yeo ki niti? Ku lukile, Ni ka *ibeya* ona kulo faa, fa neku le fa, Joani Mukolobezi. Mi Joani na kolobeza sicaba mwa nuka ya Jordani, inza ba laela kuli ba lukela kubaka mi babe ka kuluka ni Mulimu, mi ba lekise libyana za bona, ni kufepa ba botana, mi masole ba ikutwe kulikana mwa masheleñi a bona, mi babe hande ni Mulimu. Ki ba bakai baba ziba cwalo? Mi a ba kolobeza mwa nuka ya Jordani, na si ka ba fafaleza, na si ka ba sela mezi fa toho, kono na ba nwelisize! Haiba ha mu Li lumeli, ki ye buka ya litaluso za manzwi, mubatisise haiba ha ki *baptizo*, ye talusa kuli “kukolobeza, kunwelisa, ku cimbeke, kupumbeka.” Cwale, nako yapili kolobezo ha ibulelwa, neli kwani.

114 Nako ya buleli kolobezo ha ibulelwa, Jesu na itomile, Mateu 28:19.

115 Nako yetatama kolobezo ha ne ibulezwi, neli mwa Likezo 2:38.

116 Nako yetatama kolobezo ha ne ibulezwi, neli mwa kauhanyo ya 8 ya Likezo.

117 Nako yetatama kolobezo hane ibulezwi, neli mwa—mwa kauhanyo ya 10 ya Likezo.

118 Mi cwale luzwa mwa nako yana bulezi Jesu fa, kuli, “Muye cwale, mulute macaba kaufela, mu ba kolobeze ka Libizo la Ndate, ni la Mwana, ni la Moya o Kenile.”

119 Cwale ha lu otololeni Liñolo le hande, pili. Ni mi bulelezi kuli “hakuna Liñolo ni le likana mwa Biblele le li ka lwanisa leliñwi.” Ni bata kuli mu ni tiseze lona. Ni buzize taba yeo mwahala myaha ye mashumi amabeli ni yesilezi, mi ha Ni si ka lifumana kale. Hakuna Liñolo le li kananisa-. . . Haiba ya I lwanisa, kona kuli seli litaba za mutu kanti. Batili, sha, hakuna twaniso mwa Biblele!

120 Cwale mubulela kuli, “Ku cwani ka *seo*?”

121 Ki yo Jesu uyemi fa mi ubulela kuli, “Muye cwale, mulute macaba kaufela, mu ba kolobeze ka Libizo la Ndate, ni la Mwana, ni la Moya o Kenile.”

122 Mi Pitrosi wa fetuha hape, mi uli, “Mubake, mutu ni mutu wa ku mina, mi mukolobezwe ka Libizo la Jesu Kreste.”

123 “Ki yeo twaniso ya mina foo.” Ibonahala sina yona. Cwale, haiba musweli kubala ka ngana ya butu fela, mi isi ka pilu ye kwaluhile, ikaba twaniso.

124 Kono haiba mu ka I bala ka ngana ye kwaluhile, “Moya o Kenile ulipatezi meto a baba butali ni ba ngana,” Jesu na bulezi ona cwalo, mi a itumela ku Mulimu ka zona, “mi u Li patululezi kwa limbututu ze kona ku ituta.” Haiba muna ni ngana, mi isi ngana ya buitati, kono pilu ye itakaleza, kona kuli Moya o Kenile uka mi luta litaba zeo.

125 Cwale haiba ha li zamaeleli . . . Mu bulela kuli, “Uziba cwani u bulela niti?” Kihande, itamahana hande ni Mañolo amañwi kaufela. Haiba hamu boni cwalo, kona kuli muna ni twaniso ye namile hande luli foo.

126 Cwale Ni bata ku mi buza puzo. Ye ki kauhanyo ya mafelelezo mwa Mateu. Ni ka linga ka bunyinyani fela, kuli mañi ni mañi wa mina . . . ni banana ba Li utwisise.

127 Ka mutala, haiba mubala likande la lilato, mi kwa mafelelezo ku ñozwi kuli, “Mi Mary ni John bapila ka tabo kasamulaho.” Kihande, muka komoka kuli John ni Mary ki bafi bene ba pilile ka tabo kasamulaho. Cwale, haiba mubata kuziba kuli John ni Mary ki bafi, kihande mukutele kwa likepe la makalelo la buka mi mufumane kuli John ni Mary bao ki bafi. Kona kuli mukutele kwanu ni kufumana kuli Mary yo ki ufi, ni lubasi kwa zwelela; ni kuli John yani ki mañi, ni kuli ki lubasi lo lu cwani kwa zwelezi, ni kuli libizo la hae neli mañi, ni mo ne ba nyalanezi, ni lika kaufela ka zona. Kana ku cwalo nji?

128 Kihande, yeo ki nto yeswana ni kubala Bibebe ye fa. Mi . . . Amutalime, Jesu na si ka bulela kuli, “Muye cwale mu kolobeze batu ka libizo la Ndate, ka libizo la Mwana, ka libizo la Moya o Kenile,” sina mo ba kolobeza ka yona batu ba tumelo ya balimu babalalu. Hakuna Liñolo la zeo mwa Bibebe. Na si ka bulela kuli, “Ka mabizo (m-a-b-i-z-o), mabizo” a Ndate, Mwana, ni la Moya o Kenile.

129 Mi ali, “Ka (l-i-b-i-z-o) libizo,” li liliñwi. Mutalime mwa Bibebe ye mina mi mubone haiba ha ki niti, Mateu 28, “Ka *Libizo*.”

130 Isiñi “ka libizo la Ndate, ka libizo la Mwana, . . .” cwalo kona mwa kolobelezanga mukutazi wa tumelo ya balimu babalalu. “Ka libizo la Ndate, ni ka libizo la Mwana, ni ka libizo la Moya o Kenile.” Zeo mane haliyo nihaiba mwa Bibebe.

131 “Mi ni ka libizo . . .” Mu bulezi kuli, “Kihande, mi kipeto ni ka libizo la ‘Ndate, Mwana, ni Moya o Kenile.’” Konakuli kuna ni Libizo la kuli foo.

132 Kihande, kana *Ndate* ki libizo nji? Ki ba bakazi baba ziba kuli *Ndate* ha ki libizo. *Ndate* ki lilumbatina. *Mwana* ha ki libizo. Ki ba bakai babaziba kuli *Mwana* ha ki libizo? Kuna ni bo ndate ba bakai mwahali mo? munanule mazoho a mina. Kuna ni bana ba bakai mwahali mo? munanule mazoho a mina. Kihande, ki mañi wa mina ya bizwa kuli “Mwana”? Ki mañi wa mina ya bizwa kuli “Ndate”? Ku lukile, *Moya o Kenile* ha ki libizo. *Moya o Kenile* kona se uli Sona. Kuna ni batu ba bakai mwahali mo? munanule mazoho a mina. Mwabona? Ki fo he cwale, *Moya o Kenile* kona se uli Sona. *Ndate, Mwana, ni Moya o Kenile*, hakuna ni leliñwi la zeo lelili libizo; hakuna libizo fateni foo.

133 Kihande, he, haiba Na bulezi kuli, “Mukolobeze ka Libizo la Ndate, Mwana ni Moya o Kenile,” kihande lu kute kwa mulaho lu batisise kuli Ndate ki Ufi, Mwana, ni Moya o Kenile cwalo. Halu kuteleni mwa kauhanyo ya 1 ya Mateu kanti, lubone kuli Mutangana Yo ki mañi kuli lu ikolwisise ku kolobeza ka Libizo leo. Mi lukalele cwale mwa Mateu, kauhanyo ya 1, ni timana ya 18. Mubale ka tokomelo, kaufela mina.

134 Cwale, wena ya buzize puzo ye, Ni bata kufa sa kubonisa kulo faa. Cwale Ni ka beya lika zetaalu fa kuli mu utwisise hande, (kueza zemukona kuiponela) ona Libibele ni libuka zee, kuli ni mi bonise lika.

135 Ku lukile, Ni bata kuli mu ni talimisise hande, mi mañi ni mañi mu ni latelele cwale. Cwale, *yo* fa ki Mulimu Ndate. *Yo* fa ki Mulimu Mwana. *Yo* fa ki Mulimu Moya o Kenile. Cwale, ki ba bakai baba utwisisa? Mubulele ka ku ni likanyisa. *Yo* fa ki mañi? [Kopano ili, “Moya o Kenile.”—Mu.] *Moya o Kenile*. *Yo* fa ki mañi? [Kopano ili, “Ndate.”] *Yo* fa ki mañi? [Kopano ili, “Mwana.”] Cwale, cwalo kona mo ba lumelela ba tumelo ya balimu ba balalu, Mwabona, seo si lueza kuba bahedeni, ka mo sikona fela kubela.

136 Mujuda; ki kabakeleo hakusina se mukona kueza ni Muhuda. Na ize, “Hamukoni ku pumaka Mulimu mwa liemba zetaalu ni ku Mu fa ku Mujuda.” Kono, batili ha kukonahali, nina hamukoni ku ni eza cwalo. Mwabona? Batili, sha. Ki alimuñwi wa Mulimu. Yeo luli ki niti. Ha ki Balimu ba balalu. Cwale mulemuhe buino—buino—buino mo Si bezi se si bunolo.

137 Mo luka fumanela lika zeo. Cwale, *yo* ali . . . *Yo* ki Yena mañi? Babañwi amu tiise kwa manzwi cwale. Mulimu Mwana. Kana ku cwalo? *Yo* fa ki Mwana. Kihande, mi Ndatahe ki Mulimu. Kana ki cwalo? Ki ba bakai baba lumela kuli Ndatahe ki Mulimu, munanule mazoho a mina. Ki ba ba kai baba lumela kuli Mulimu ki Ndatahe Jesu Kreste? Ku lukile.

*Cwale kupepwa kwa Jesu Krete kutahile ka mukwa woo . . .*

138 Cwale luka kutela mwa mulaho lufumane kuli Ndatahe ki Ufi, Mwana, ni Moya o Kenile kuli ki ufi, kiyena Mateu yana bulela kuli “muba kolobeze ka Libizo la.” Mwabona, ki Libizo; isiñi mabizo cwale, kakuli hakoni kuba mabizo, kakuli hakuna libizo fateni foo.

*Cwale kupepwa kwa Jesu Krete kutahile ka mukwa woo: Mi . . . Maria mahe na beelelizwe ku Josefa, ba si ka taha kale hamoho, afumanwa kuli una ni mwana wa Mulimu Ndate. (Kana Bibebe ibulela cwalo? Kana Bibebe ibulela cwani?) . . . afumanwa kuli una ni mwana wa Moya o Kenile.*

139 Kona kuli ki ufi wa bona yali Ndata He? Cwale, Bibebe ibulezi kuli yo ki yena Ndata He, mi Jesu na bulezi kuli yo neli yena Ndata He. Cwale, ki ufi kanti Ndata He? Cwale, haiba nana ni bo ndatahe bababeli, cwale kucwani ka seo? Haiba Nana ni bo ndatahe bababeli, Ki mwana wa mwa bunyazi kanti.

140 Cwale halu baleni nyana fapili:

*Cwale Josefa muuna hae, kakuba muuna ya lukile, na salati ku mu swabisa ku babañata, kono a hupula ku mu lisela kwatuko.*

*Kono ha na sa kengeyela fa litaba ze, amubone, lingeloi la Mulena la mu tahela mwa tolo, lali, Josefa, wena mwana Davida, si sabi ku ikungela Maria musala hao: kakuli sa itwezi ki sa . . . [Kopano ili, “Moya o Kenile”—Mu.]*

141 Sa sikamañi? Moya o Kenile? Kihande, cwale Ndate ukona kuba cwani ndatahe, ni Moya o Kenile abe ndata He ka nako yeswana? Cwale, Nana ni bon data he bababeli kanti, haiba nji ku cwalo. Batili, sha! Moya o Kenile KI Mulimu. Moya o Kenile KI MULIMU. Kacwalo Moya o Kenile ki yena Mutu yaswana tenyene, kamba Nana ni bo ndatahe bababeli.

142 Mwabona, lu fumane kuli *John ni Mary* neli bafi, kasamulaho nyana. Ku lukile, lu fumane haiba Pitrosi ni Mateu nebalika ku ikananisa ili bona kamba nee, lubone haiba Mañolo aikananisa ili Ona. Ki kutokwa kutwisiso ya moya. Yeo ki niti.

*Kono ha na sa kengeyela fa litaba zeo . . .*

143 Ni balile kalel yeo, timana ya 20. Cwale ya 21:

*Mi uka pepa mwana mushimani, . . . (Mutu yoo, yanali wa bona? Mutu alimumu, Mulimu.) . . . mi uka mu beya libizo la . . . (sikamañi?) [Kopano ialaba kuli, “JESU”—Mu.] . . . kakuli uka pilisa sicaba sa hae kwa libi za sona.*

*. . . ze kaufela ne li ezahalile, kuli . . . kutalelezwe se si  
bulezwi ki Mulena ka mupolofita, hali,*

*Amubone, mwalyanjo uka itwala, mi uka pepa mwana  
mushimani, mi ba ka Mu beya libizo la Emanuele, . . . ha  
litaluswa ki kuli, Mulimu una ni luna.*

144 Kacwalo *John ni Mary* neli bafi bene ba pilile ka tabo kasamulaho? Ki Mañi ya na bulezi kuli, “Muye cwale, mulute macaba kaufela, mu ba kolobeze ka libizo la Ndate, Mwana, ni la Moya o Kenile?” Ndate ne li mañi? Libizo la Ndate, Mwana, Moya o Kenile? [Yomuñwi uli, “Jesu”—Mu.] Kiniti, neli yena. Luli, hakuna ku kananisana ni sona. Hakuna ni hanyinyani. Si otolola fela hande Mañolo. Nali yena Ndate, Mwana, ni Moya o Kenile. Mulimu nali (Emanuele) ya pila ku luna, inza yahile mwa mubili o bizwa “Jesu.”

145 Cwale, bona ba oneness ba luta keleke ya ba keleke ya Oneness, Ha ni lumelelani ni zeo, kunahana kuli Jesu ki alimumumu sina munwana wa mina hauli ulimumu. Nana ni kuba ni ndate. Kambe Na sina ndate, konakuli Na kaba cwani Ndatahe wa Hae anosi? Mi haiba Ndata He neli mutu sina ba tuto ya balimu babalalu mo ibulelela, konakuli Na pepilwe ali mwana wa mwa bunyazi ni bo ndatahe bababeli. Kacwalo, mwa bona, mwa fosa sibeli sa mina ka ku kanana. Mwabona?

146 Kono Niti ya teni ki kuli, kuli sibeli sa Ndate, Mwana, ni Moya o Kenile, ki Butu bwa mutu alimuñwi. [Hakuna manzwi fa tepu—Mu.] . . . ya pila mwa tabernakele ya nama, kuli atakule sibi sa lifasi. Yeo ki niti luli, “Mulimu una ni luna.” Cwale, kabakaleo, fani Mateu 28:19 . . .

147 Cwale, mubale Mañolo, mi hamukona kufumana mutu alimumu mwa Bible . . . (cwale munahane ka zona, cwale litaba ze lisike za mi fita fa toho) . . . koo mutu alimuñwi mwa Biblele akile a kolobezwa ka libizo la “Ndate,” ni la “Mwana,” ni la “Moya o Kenile,” mutahe kuna mu ni bulelele kuli Ni muipi, mi Ni ka beya sisupo fa mukokoto wa ka ni kuzamaya mwa tolopo kaufela. Ha li yo mwa Mañolo, kuzwa kwa Genese kuisa kwa Sinulo. Kono mutu kaufela mwa Biblele na kolobelizwe ka Libizo la Jesu Kreste!

148 Mu li, “Libelelela fa muzuzu, mukutazi. Kucwani he ka Joani? Na si ka kolobeza ka libizo lifi kaufela!”

149 Ku lukile, lu fumani sene si ezahalile; ha lu apuleni mwa—mwa—mwa Likezo, kauhanyo ya 19. Mwani kona mo lu fumana balutiwa ba Joani. Mutu kaufela na kolobelizwe ka Libizo la Jesu Kreste, kutaha cwalo kufitela lufumana sikwata se ni ona fa. Likezo, kauhanyo ya 19. Mi ha lu kaliseni cwale, mi lu fumana balutiwa ba Joani:

*Mi kwa ezahala kuli, . . . Apolosi (yanali muituti wa  
mulao, kasamulaho wa kubaka) hana sa li mwa Korinte,*



*Paulusi amano pazula manaha a lumbile a kwa . . . Efese: a fumana balutiwa babañwi, (nebali balatelili ba Jesu)*

150 Haiba mu lemuha fela kauhanyo yefelile famulaho nyana foo, nebana ni nako ya tabo kuli mane bahuwaka ni kunyakalala. Ki ba bakai baba ziba kuli yeo ki niti? Mi Aquila ni Priscilla nebaliteni mwa mukopano. Mi Paulusi ni Silasi ne ba shapilwe ni kutubulwa liapalo, ni kubeiwa mwa tolongo. Kana ku cwalo? Mi ba zwela kwani, ba fumana Aquila ni Priscilla. Mi neba na ni ancafazo kwani ni mukutazi wa Baptist, wa libizo la Apolosi, yana sweli kubonisa ka Mañolo kuli “Jesu neli yena Kreste.” Cwale Paulusi wa mu katana:

*. . . Paulusi ha sa fitile kwa libaka zelumbile za Efese: . . . afumana balutiwa babañwi,*

*Mi ali ku bona, Kikuli mu amuhezi Moya o Kenile kuzwa ha mu lumela? . . .*

151 Cwale, wena mulikani yomunde wa Baptist, haiba seo ha si lobi kwateni ma—ma mahutu a lituto za bulapeli bwa mina, konakuli mu bulela kuli “mu amuhezi Moya o Kenile ha mu lumela.”

152 Kono Paulusi na bata ku buza ba Baptist bani kuli, “Kikuli mu amuhezi Moya o Kenile kuzwa ha mu lumela?” Cwale mutalimele se ne ba bulezi:

*. . . Mi ba li ku yena, Lwa ziba . . . kamba kuna ni Moya o Kenile.*

*Mi ali ku bona, Ki ye cwani . . . (cwale, haiba mubata kunga buka ya litaluso za manzi a Sikerike fa, ika mi bonisa, “Ne mu kolobelizwe ka mukwa o cwani?”) . . . Neli ka ifi . . . yene mu kolobelizwe ka yona? Mi bali ku yena, Mwatasa Joani kwa mulaho kafoo. Ki Joani yana lu kolobelize.*

153 Cwale Ni bata ku buza: Haiba mobile ni kolobezo yeo, ne muka ikutwa kulikana ka yona? Yena muuna ya swana yana zwisize Jesu mwa nuka, ni ku kolobeza Jesu Kreste, yena muuna ya swana ki yena yana kolobelize ona batu bani. Yeo ki kolobezo yende luli: isiñi kufafaleza, isiñi kusela, kono kunwelisa mwa Jordani ya sileze fa sibaka sesiswana sa na kolobelizwe ku sona Jesu. Munahane ka zeo.

154 Paulusi ali, “Kikuli mu amuhezi Moya o Kenile haisamba mu lumela?” Ba . . . ki . . .

Ba ala bali, “Lwa ziba . . . kamba kuba ni Moya o Kenile.”

Mi ali, “Ne mu kolobelizwe cwani?”

Se bali, “Lu kolobelizwe.”

“Ne mu kolobelizwe cwani?”

“Ku Joani!”

155 Cwale amutalime sa na bulezi Paulusi. Mutalimele fa:

*Mi ki ha li ku bona, . . . kana ne mu- . . . Ku Joani . . . Mi ba . . .*

*Mi cwale Paulusi ali, kiniti Joani u kolobelize . . . ka kolob- . . . ya kubaka, inza bulelela . . . batu, . . . kuli ba lumele ku yana mu taha mwa mulaho, yo ki, Jesu Kreste.*

156 Mwabona, Joani u kolobelize fela kwa kubaka, kono kolobezo ya mezi ka Libizo la Jesu ki ya swalelo ya libi. Sitabelo sa libi se si sika talekwa kale, libi ne li sa takulwi. Cwale . . . Ne li fela kalabo ya lizwalo, sina mwatasa mulao. Luka 16:16, ili, “Mulao ni bapolofita nebali teni kuffela ku Joani, kuzwa foo kubulelwa litaba za Mubuso.” Cwale ha mutalime. Mi . . . Mutalime.

*Mi Paulusi ali ham- . . . (cwale amutalime) . . . Kikuli mu amuhezi . . .*

157 Timana ya 5—5:

*Mi ba si no utwa litaba ze, ba kolobezwa (hape) ka libizo la . . . Jesu Kreste.*

158 Ki cwalo nji? Konakuli sicaba se, sicaba sa mwa Likezo 2, ne si kolobelizwe ka Libizo la Jesu. Mi Majuda ba kolobezwa ka Libizo la Jesu. Bamacaba ba kolobezwa ka Libizo la Jesu. Mi mutu kaufela mwa Bibeke kaufela na kolobelizwe ka Libizo la Jesu.

159 Cwale amufumane sibaka sifi kaufela ko kuna ni mutu yakile a kolobezwa ka nzila isili kaufela, kipeto Ni ka kuta kapili kwa mulaho fa ni mi bonise fo ili lumeleza keleke ya Katolika, ni kubulela kuli mu ipeya ku zona. Ni kubulela kuli, “Kwa kona kuba Baipanguli babañwi babaka piliswa kakuli bana ni lituto ze likani za Katolika, ze cwale ka kolobezo ka libizo la ‘Ndate, Mwana, ni Moya o Kenile’; kuli keleke ye kenile ya Katolika ina ni tukelo ya ku cinca mata a Libizo la Jesu lani, kuba ‘Ndate, Mwana, ni Moya o Kenile,’ ni ba keleke ya Baipanguli ba lumela cwalo.” Ye kwateni musike, Ni pila ni Bibeke. Ni lumela Bibeke.

160 Mu li, “Muzwale Branham, kana u laela kuli sicaba si kolobezwe hape?” Kiniti! Paulusi na ezize cwalo, fa.

161 Cwale amutalime, ha lungeni yani ya Magalata 1:8, mi lu fumane sa na bulela Paulusi:

*. . . niha neikaba luna, kamba lingeloi lelizwa kwa lihalimu, ha li ka kutaza evangeli isili ku mina . . . yo abe anatema.*

162 Ki fo he cwale, “Haiba luna kamba lingeloi.” Mi Paulusi, yena muuna ya swana, yana laezi sicaba kuli si kolobezwe hape yana na ni kolobezo yende kufita ye mu nani, muzwale waka; kakuli Joani Mukolobezi neli muhulwana Jesu Luli wa muzwale, muzwale wa bubeli; a kolobezwa muhulwana hae mwa nuka ya Jordani, mi afetuha ni ku kolobezwa balutiwa ba Joani. Mi Jesu ali, “Zeo halina kubeleka!” kamba Paulusi a Li bulela, mi a

ba laela kuli ba kolobezwe sinca ka Libizo la Jesu Kreste ba si ka amuhela kale Moya o Kenile; kasamulaho wa kuhuwa ni kulumbeka Mulimu ni kuba ni nako yende, nebana ni nako ya ancafazo yetuna—yetuna, ni kubonisa cwalo ka Bibebe (ka bulapeli bwa bona) kuli Jesu ki yena Kreste. Ki ba bakai baba ziba kuli ao kona Mañolo? Mwa kauhanyo ya 18. Kiniti ku ona. Ki fo he cwale. Konakuli hakuna puzo ku Yona.

<sup>163</sup> Cwale haluboneñi ni mife ze butokwa zelikani. Cwale, na si ka loba mulao, kono mwa Luka . . . Mateu, kauhanyo ya 16. Jesu, ha ba tuluka fa lilundu, Ki hali, “Kana batu bali ki Na mañi na nili Mwana mutu?”

<sup>164</sup> “Babañwi bali ki Wena ‘Elia,’ mi babañwi bali ki Wena ‘mupolofita,’ mi babañwi bali ki Wena ‘se, sani.’”

<sup>165</sup> Mi ali, “Kono mina muli kina Mañi?”

<sup>166</sup> Ali, “Ki wena Kreste, Mwana Mulimu yapila.”

<sup>167</sup> Mutalime! “U fuyozwi wena, Simoni Bar-jonasi (mwana Jonasi), nama ni mali ha li si ka ku patululela Se.” Amen!

<sup>168</sup> Mwabona, Si tahile fa sinulo ya moya. Nama ni mali ne li si ka bulelela Abele kuli na fosize (Kaine, kuli na fosize), na si ka bulelela Abele kuli “Kaine na fosize.” Kono Neli sinulo ya na bile ni yona Abele, “Neli fela mali!” Lwa taha mwa puzo yeo mwa mizuzu yelikani yetatama. Ne li mali, isiñi miselo, yene lu zwisize mwa simu ya Edeni. “Ne li mali,” mi Abele, ka sinulo ya moya . . . na patululezwi ki Mulimu kuli neli mali. Mi yena, “Ka tumelo” Maheberu 11:1 ili, “a fa ku Mulimu sitabelo se si kateleha kufita sa Kaine. Mane, Mulimu a amuhela sitabelo sa hae.” Ki fo he cwale. Mwabona, a si fa ka tumelo, ka sinulo.

<sup>169</sup> Cwale amutalime, “Nama ni mali ha li si ka patulula seo ku wena,” (kuzibisisa za butungi bwa Mulena Jesu) “kono ki Yena Ndate ya mwa Lihalimu ya ku patululezi Seo. Mi fahalimwa licwe le (ili sinulo ya Jesu Kreste). . . Fahalimwa licwe le Ni ka yaha Keleke ya Ka, mi minyako ya ba bashwile haina ku I koma.” Seo kona sa Na bulezi. Sinulo ya Moya- . . . “Mi Ni li ki wena Pitrosi, mi Ni ka kufa linotolo za Mubuso. Mi kaufela . . . Kakuli una ni munyako wa moya mwahali mo ni Lihalimu. Nama ni mali: wali kuba ukene mwa mukopano wa bulapeli, wali kuba uye kwa sikolo, wali kuba unge li—li—li lituto za bulapeli. Kono u itingile ku Mulimu, mi ki Mulimu ya Li patuluzi ku wena, mi kaniti ki Mañolo hainzi patalaza a swalana hamoho ku Ona. Ni li ki wena Pitrosi, yeo ki niti, mi Ni ka kufa linotolo; mi so ka tama mwa lifasi, Ni ka si tama mwa Lihalimu; so ka tamulula mwa lifasi, Ni ka si tamulula mwa Lihalimu.”

<sup>170</sup> Mi Pitrosi neli mubuleli ka Lizazi la Pentekota, kaufela bona hane ba saba ku bulela, yena a bulela mi ali, “Mina baana ba Judaea ni mina baba tibezezi mwa Jerusalema, taba ye izibiwe ki mina mi muutwe Manzwi aka. Batu ba ha ba si ka kolwa sina mo mu hupulela, kakuli isali hola ya bulalu mwa musihali, kono se

ki se ne si bulezwi ki mupolofita Joele. ‘Ku ka ezahala kuli mwa mazazi a mafelelezo,’ kubulela Mulimu, ‘Ni ka sulula Moya wa Ka fahalimwa libupywa kaufela. Bana ba mina ba bashimani ni basizana ba ka polofita. Mi batanga ba Ka babasali, ni mutanga ka, Ni ka sulula Moya wa Ka. Mi Ni ka bonisa lisupo mwa lihalimu ni mwa lifasi fafasi, mi malu a musu ni mbundu. Li ka ezahala kusika taha kale Lizazi lelituna la Mulena, kuli kaufela ya ka biza fa Libizo la Mulena uka piliswa.’” Ko fo he cwale. Oh, mawi.

171 “Halubone ni bulele ku mina ka kulukuluha ka za mupatriareka Davida,” mi ali, “ya sa shwile mane u pumbekilwe, mane libita la hae li inzi ni luna kufita ni kacenu. Kabakaleo, kakuba mupolofita, a bona . . . na Mu boni kwa lizoho la Hae la bulyo, ‘Mi Hanina ku zikinyeha. Kono he mubili wa Ka uka pumula mwa sepo kakuli Hana kusiya moyo wa Ka mwa sibaka sa baba shwile, nahaiba kutuhela Ya Kenile wa Hao kubona kubola.’”

172 “Mi Davida sa shwile,” mi ali, “u pumbekilwe, mi libita la hae li inzi ni luna ni kacenu. Kono ka kuba mupolofita, a bona kutaha kwa Ya Lukile, Yo Mulimu uezize Mulena ni Kreste.” Oh, mawi. Ki ao Mañolo a mina. Ki yeo nto yatani. Ki cona.

173 Cwale lufumana cwana, foo, kuli nzila ye lukile, ni nzila ya niti, mi ili nzila fela inosi ye lukisizwe. . . Mi Pitrosi nana ni linotolo, mi ka lizazi la na kutalize, ba bulele kuli. . . Cwale amutalimele, ki ye fa Keleke yapili. Mina ma Katolika amuteeleze ku Se. Mina ma Campbellite amuteeleze ku Se. Mina ba Baptist ni Methodist muteeleze ku Se. ni mina Mapentekota muteeleze ku Se. Church of God, ba Nazarene, Pilgrim Holiness, muteeleze ku Se.

174 Pitrosi nana ni linotolo, mi nana ni mata, kamba Jesu na bulezi buhata he. Mi ha ku konahali kuli Abulele buhata, “litaba zepeli ze sa koni kucinca, ha ku konahali kuli Mulimu abulele buhata.” Nana ni linotolo. Ki Jesu yana mu file linotolo. Ha Na zuhile ka—ka lizazi la bulalu ona cwalo, Nana ni linotolo za lifu ni, za lihele, kono isiñi linotolo za Mubuso. Ki Pitrosi yana li sweli! Luli ki cona ona cwalo.

175 Mi cwale hamu bone, Pitrosi, una ni linotolo ze lepelela fa lukanda lwa hao, mi usweli wa kutaza. Puzo yataha, baba fetuhile bapili ba keleke yenca. Keleke ya makalelo ya Sikreste. Cwale Katolika, cwale Baptist, Methodist, Presbyterian, kana muinzi mwa tuto ya Keleke Yenca? Mubone haiba muna ni.

. . . Mizwale *ni bana bahesu*, luka eza *sikamañi*?

. . . *Pitrosi a yema mi ali. . . Mubake, . . . mutu ni mutu wa ku mina. . .* (tokomela, mushimani; mo beela linotolo zeo foo, Kreste uka li beya mwa Lihalimu). . . *Mubake, mutu ni mutu wa ku mina, mi mu kolobezwe ka libizo la Jesu Kreste. . .* (cwalo kona mo mu kenela mwatani

Mo) . . . *kwa swalelo ya libi za mina, mi muka amuhela mpo ya Moya o Kenile.*

<sup>176</sup> Linotolo za kena mi zalila “kwece” faa, mi se li potoloha “kwece” Mwateni. Ki kabakaleo balutiwa ba Joani hane ba tilo kolobezwa sinca, hape, ka Libizp la Jesu Kreste (ba si ka ya kale kwa Lihalimu), amu amuhele Moya o Kenile. Abuluka Manzwi a Hae. Kuli li si ke za mi lyanganisa cwale, nji cwani? Mwabona? Kiniti, Mateu 28:19 neli malumbatina, isiñi Libizo.

<sup>177</sup> Ku lukile, luna ni nako yekuma kai? Kana lwakona kuba ni mizuzu ye lishumi ni ye ketalizoho ya kualaba zeñwi fateni za lipuzo kapili luli? Lueze cwalo? Ku lukile, lu ka akufa kapili. Ni nani zepeli kwatasi, Ne ni bata kuya kapili, ni kenye mwateni ye, haiba Ni kona. Mi Ni ka nga ze siyezi la Sunda kakusasana.

**57. Kana Kaine nali mwana noha nji? (Ye ki yende.) Haiba ku cwalo, kiñi Eva ha na si ka itwala konji kasumulaho Adama a mu ziba?**

Ya swana . . . Puzo yetatama ya swana:

**58. Kana neli—kota ya likota sina zeluziba ya na cile ku yona Eva muselo? Na boni kuli neli yende haiciwa.**

<sup>178</sup> Ku lukile, muzwale, kezeli, kamba ki mañi kaufela, ha lu kuteleni mwa Genese ni kufumana nto yeñwi fa. Ha lu yeni kwa Genese 3:8, haiba mwa lata. Ku lukile, mi amuteeleze ka tokomelo cwale.

<sup>179</sup> Cwale Ni ka tisa likande. Kaufela zona neli ze lukile mi ze kenile, ne ku sina sibi kamba kusilafala. Cwale Ni ka fita fa . . . za mina . . . puzo ya mina yapili. Ya kota ya mwa bupilo . . . ya mwahala simu, mwahala kota. Kota neli “musali.” Cwale Ni ka bonisa seo ku mina ka Mañolo haiba muka iketa fela mwa mizuzu yelikani.

<sup>180</sup> Luka fita pili haiba nali . . . kamba na itwezi a si ka zibana kale ni Adama kamba nee, kamba neli ka kuitahanela . . . Amuteleeze:

*Mi ba utwa linzwi ka MULENA Mulimu inza zamaya mwa simu, mi neli mwa nako ya manzibwana: mi Adama ni musala hae ba ipata fapila MULENA Mulimu mwahala likota za mwa simu.*

*Mi MULENA . . . abiza Adama, mi ali . . . U kai?*

*Mi ki hali, Ni utwile linzwi la hao mwa simu, mi Na saba, kakuli Ni inzi mapunu; . . . (cwale, na sa zibi cwalo lizazi la kwa mulaho wa faale; nto yeñwi ne iezahalile, sesiñwi sa patulula ku yena kuli nali mapunu) mi Na ipata.*

*Mi ki hali, ki Mañi ya ku zibisize kuli u mapunu? Kana u cile kwa kota, . . . ?*

181 Ucile kwa kota yene mu lemusize kuli nali mapunu? Sina ha Ni bile ni bulelanga, (le ha ki lisheha, Ha ni talusi sina lisheha) “Kono haiba kuca ma apule ne ku lemusize musali kuli u mapunu, ki hande lukale kufa ma apule hape.” Mwabona? Ne si mapunu. Ne si kota, ya apule yene ba cile, ne li buozwa. Amutalime:

. . . Kana mu cile kwa kota, ye Ni mi laezi kuli musike mwa ica?

*Mi muuna ali, Yena musali yo ni file, kuli apile ni na, ki yena ya ni file. . . kwa kota, mi Ni cile.*

*Mi MULENA. . . ali ku musali, Ki sikamañi so ezize? Mi musali ali, Noha kona ye ni shemaetite, . . . (huh?) . . . Noha ini shemaetite, mi Na ca. (kale kale asika itwala kale, mwabona, ka Adama)*

182 Adama a mu ziba, mi a itwala ni kupepa—mi a pepa Abele.

183 Kono Ni bata ku mi buza, kuzwa fela kwa mutalimelo o zibahala. Cwale kwa ku mi bonisa kuli musali neli yena kota, musali kaufela ki muselo wa kota. Ki ba bakai ba baziba cwalo? Kana ha mu miselo ya bo maa mina? Kiniti, mu miselo. “Mi mwahala muselo, kamba mwahali a kota, muselo wa na sa lukeli kuswala.”

184 Haiba mu ka lemuha, hanili ni Jesu nali Kota ya Bupilo? Hanili Na sepisize mwani ku Muñoli Mateu, kamba, Muñoli Joani, kauhanyo ya 6, “Kina Sinkwa sa Bupilo se si zwile ku Mulimu kwa Lihalimu”?

185 Haiba muuna uca musali. . . Mi amutalime, kuya ka kupepwa kwa. . . ka musali, kaufela luna lwa shwa; kakuli lu tamehile kushwa (ku cwalo nji?) kuya ka kupepwa kwa musali. Kuya ka kupepa kwa muuna, kaufela luna lu pila kuyakuile. Musali ki kota ya lifu, muuna ki kota ya bupilo; kakuli musali ha lwali bupilo ku yena. Yeo luli ki niti. Bu—bu bupilo bu zwanga ku muuna, kiniti. Ikena ku musali, mi musali ha ki sesiñwi kwanda kuba fela sifutumaliso sa bupilo; mi mbututu ha si ka swalana, kwanda mukubu feela kihona. Hakuna nihaiba kalulo iliñwi ya mali a mahe yeli ku mbututu; upepwa mwa mali a musali, kono hakuna nihaiba kalulo iliñwi ku mbututu. Amu yo batisisa. . . kamba mubale buka ya dokota, kamba kubuza dokota wa mina, mu ka bona. Ha liyo mwateni, batili, sha, hakuna nihaiba siemba silisiñwi ku yena. Yena ulwala fela lii, ku felile. Mi haili bupilo bona buzwa ku muuna.

186 Wani ki mufuta o munde wa kubonisa kuli ka musali, kuya ka kupepwa kwa nama, kaufela luna lunani ku shwa, kakuli lu shwile ka kukala; mi konji fela ka Muuna yena Krete Jesu yakona ku lu pilisa. Mi zeo kona likota zepeli mwa simu ya Edeni. Kikuli hamuboni cwalo?

187 Mi amutalime! Mi mwa lizazi lani nekuna ni Kerubimi yene tomilwe kuli isileleze kota yee. Kuli haiba ne ba ka tamuna kwa Kota ya Bupilo yani, kaufela bona ne ba ka pila kuyakuile. Ki ba bakai baba ziba cwalo? Kaufela bona ne ba ka pila kuyakuile. Mi nako yapili yene ba ka tamuna kwateni. . . Lingeloi ne li bulezi kuli, “Lu ka I sileleza.” Mi ba beya Likerubimi kwateni ni mikwale ye yekauka mulilo kwa neku la upa wa Yona. Ne ba I shimbululezi kwa Upa, ni kusileleza Kota yani ka mikwale ye yekauka mulilo kuli basike ba sutelela ku Yona (yona Kota yee).

188 Mi cwale Jesu ha taha, A bulela kuli, “Kina Sinkwa sa Bupilo, kuli mutu ha ka ca kwa sinkwa se haana kushwa.” Ki yeo Kota ya mina foo.

189 Ki yo musali wa mina foo, ki yeo foso ya mina yetisa lifu. Haibile fela kuna ni takazo ya foso, kuna ni lifu le li siilwe ki yona. Mi haibile fela kuna ni kupepa kwa moya, kuna ni Bupilo Bobusafeli bo bu siiwa ki Bona. Lifu li taha ka kupepa kwa musali, mi Bupilo butahile fela ka kupepa kwa Muuna. Amen! Ki fo he cwale.

190 Cwale halu talimeñi ku Kaine hape. Mwakona ku ni bulelela ko ku zwile moya wani ni piluseta? Haiba Kaine. . . mutalime, kaiba Kaine neli mwana Adama yanali mwana Mulimu, konakuli bumaswe bwani ne bu zwile kai? Taba yapili ha na pepilwe, nana ni sitoyo, na li sibulai, nana ni muna. Mi cwale na swanile fela sibupeho sa ndatahe, ona makalelo luli a simuluho, Lucifer, mi naliteni kwa simuluho. . . nautwela Mikaele muna, sene si kalile butata kaufela. Ki ba bakai baba ziba cwalo? Mi Kaine nali sibupeho sa ndatahe, yana utwela munyana hae muna mi a mu bulaya. Ona kukena kwani. . . sibupeho sani ne si sa koni kuzwelela kwa lusika lo lu lukile. Ne izwile. . . nana ni kuzwa kwa lusika lo lu keluhile. Mi amulemuhe Kaine, kukala fela ha na pepilwe.

191 Mi kasamulao Abele asepwa, mi aitwala ka Adama, mi amuziba—amuziba mi asepwa mwana mushimani yena Abele. Mi Abele neli mufuta wa Kreste; mi cwale—cwale Abele ha na bulailwe, Seta anga sibaka sa hae; lifu, kupumbekwa, ni zuho ya Kreste, mwa mufuta.

192 Kono, cwale, Kaine na lapela; misebezi ya hae kaufela ya nama, kuswana fela sina keleke ya nama kacenu: ba ya kwa keleke, ba lumbeka. Kaine na lapela; na si mwanana mwa bulapeli, na si wa ba swalisano. Kaine neli mulumeli; naile ku Mulimu, a yaha alatare. Na ezize sika sa za bulapeli kaufela sana ezize Abele, kono na sina sinulo ya moya ka za tato ya Mulimu. Kufuyole Libizo la Mulena! Ki fo he cwale. Kana mwa Si bona nji? Na sina sinulo ya moya, mi boo kona butata bobuli mwa keleke kacenu. Mi Jesu na bulezi kuli Uka yaha Keleke ya Hae fa sinulo ya moya yani. Mwa Li utwa nji? Oh, mawi, meeto a mina akona ku kwaluha cwale. Mwabona, sinulo ya moya.

193 Kaine ataha: a yaha aletare, na lapela, atisa sitabelo, a kubama fafasi, a limba Mulimu, na lapela Mulimu, na ezize lika kaufela za bulapeli za na ezize Abele. Mi Mulimu amu hanela kakuli na sina sinulo ya moya!

194 Mu latelele mundandwe o swana wani wa Kaine: kushetumuka cwalo mane ni kwa areka, kuzwa mwa areka ku yo fita kwa Isilaele, kuzwa mwa Isilaele ku to fita ku Jesu, mi kuzwa ku Jesu kutaha cwalo ni kwa lizazi la kacenu; ni kubona haiba nji butu bwani, bwa keleke ya milao, bwa ku omelela milala ni kutiya lipilu, kwa baituti, Ni talusa baana baba na ni mañolo, baba ziba tuto kaufela ni za bulapeli kaufela, bakona kuli toloka, mushimani, inge fela [Muzwale Branham uliza munwana wa hae—Mu.] cwalo, kono kusina sinulo ya moya! Yeo ki niti. Yeo ki tuto ya Kaine.

195 Bibeles ibulezi kuli, “Bumai ki bwa bona! kakuli baile ka tuto ya Kaine, ba fitile mwa mafosisa a Balaami, mi ba shwezi mwa litaba za butanya bwa Korah.” Buka ye swana, Juda, u ize, “Ba lukiselizwe sinyeho ona yeo.” Kiniti, ba cwalo. Mwabona? Balaami nali sikamañi? Nali bishopu. Na fumanaha kwa neku kaufela ka lekeke. Na tile ka swanelo fela ya milao kuya ka mwa na lukela kubela. A tahisa . . . Mu mutalime ha yemi cwalo mwa bucabela bwa hae, na yemi kwani mwa bucabela bwa bona bo butuna. Mi ne ba si banana mwa bulapeli, nebali balumeli.

196 Haili—haili lusika lwa Moabi lwani nelu zwile ku mwana musizana wa Lota. Lota na pila . . . mwana musizana wa Lota yana pila ni bo ndatahe, mi aitwala ni kupepa mwana, mi mwana yani ki . . . yena ya zwezi lusika lwa Moabi. Mi nebali kopano yetuna. Yetuna, sicaba sesinde, mi nebana ni bana baba sizana ba malena ni malena ni licabela. Nebana ni ma bishopu ni manduna ni lika kaufela.

197 Mi se kutaha sikwata sa bapikuluhi baba kenile, sikwata sesiñwi, Isilaele; neli sikwata nyana se si si ka kopana, likopano ze kopano kopani. Mi ba ezize lika kaufela ze ne lukisizwe kuli baeze, ni ze maswe kaufela hamoho. Kono seo nesili sona, nebana ni sinulo ya moya, mi Mulimu nali ni bona mwa Siita sa Mulilo.

198 Oh, Na—Na ziba nebana ni lika za nama kaufela, ni sicaba se sili, “Sikwata sa baba siyalezi mwa litaba sina bani, hakuna sa kueza kwanda ku ba leleka fela.” Kono bona nebana ni sinulo ya moya, mi nebana ni Licwe le li natilwe, nebana ni noha ya kopa, nebana ni Siita sa Mulilo sene si zamaya ni bona. Haleluya! Ni ziba kuli mu—mu nahana kuli Ni tabile, kono ha Ni si ka taba. Ni ikutwa fela hande.

199 Mulemuhe! Ha Ni nahana kuli, “Yena Mulimu yaswana yani, kacenu, upila ni luna.” Isali sinulo ya moya yeswana ya Linzwi. Kiniti, ki yona. Ki ye lukile Kuyakuile. Kufuyolwe Libizo la Mulena! Eni, sha.



200 Ki yo na yemi fahalimu fani, wa za milao; sikwata sa ba Baptist ni ba Presbyterian inge ba yemi fahalimwa lilundu, mi nebana ni bishopu wabona kwateni. Mi neli ba bulapeli hahulu, mi ni bulapeli bwa mufuta o swana luli, ne ba lapela Mulimu ya swana. Ne ba bulela kuli, “Amutalime sikwata sa manyalala sani. Kiñi, mane habana neba kopano. Ha ki sika kono ki sikwata fela sa bapikuluhi baba kenile ba lilata inge tutaha, to tu toliya, kihona.”

201 Kana ki niti yeo? Kiniti, nebali cwalo. Haiba ha mu lumeli kuli nebali bapikuluhi ba bakenile, mukutele mwa Genese mi mufumane ha ne ba sila. Mi makazo ya ezwa, mi Miriamu a nopa kambuli ni kuzamaya fa likamba, inza liza; ni kubinela mwa Moya, mi Mushe aopelela mwa Moya. Haiba nji seo ha ki sona sikwata sene lubiza kuli balukuluhi. . . bapikuluhi ba bakenile, Ha ni zibi kuli ki sikamañi; kuopela ni kutulaka ni kulumbeka. Mi nako kaufela naha ne iba toya, kono Mulimu nali ni bona. Nebana ni sinulo ya moya, neba sweli kulatelela Siita sa Mulilo sani.

202 Mi Moabi ali, “Cwale, amutalime kwanu. Lu ka biza baokameli kaufela ni ma bishopu kaufela, ni ba eteleli ba likopano kaufela, ni kubatisa kwande kwanu. Lu ka eza sesiñwi ka sona, kakuli lu naha ya bulapeli. Haluna ku lumeleza zibiso yeo kuli ilyanganise kopano ye.”

203 Mi kacwalo ba ba lelekela kwande. Mi ba yaha lialetare ze twelufu cwale; ki sona luli sana ezize Isilaele, lialetare ze twelufu. Ba beya litabelo ze twelufu fahalimwa zona, lipoho; ona cwalo fela sana ezize Isilaele, sana bata Mulimu. Ne ba beya lingu ze twelufu fahalimwa zona, ili kuyemela kutaha kwa Mulena Jesu Kreste; lingu ze twelufu mwa libaka zepeli kaufela.

204 Licabela kaufela, ma bishopu kaufela ni babañwi, inge bayemi kwa matuko. Ba tukisa sitabelo. Ba lapela, ba nanulela mazoho a bona ku Jehova mi bali, “Jehova, lu utwe!” Ne ba lika kuezza sikamañi? Mi ni Balaami wa bona wa kale ni zeñwi cwalo, mi Moya wa tulukela fahalimwa hae. Luli (kono nali wa nama).

205 Moya wakona kuwela neba ku muipi, kubulela Bibebe. Mu ni utwile ha ni luta zeo, cwale. “Pula isuluhelanga ku ba ba lukile ni baba si ka luka.” Kono ina ni kubapiswa kwa Linzwi, foo kona fo mu li fumana.

206 Mi cwale hana ezize cwalo, mi ni . . . fani Moya, niteñi, onoli ku yena ha u mu bulelela Niti, alika ku kuta Isilaele, mi ki ha fuyola Isilaele.

207 Cwale, haiba Mulimu ukuteka fela keleke kakuli ki yende, ni bishopu yomunde, ni mulisana yomunde, sikwata sa batu baba itutile, Na tamehile ku amuhela sitabelo sani, kakuli na li ya lukile hande kuya ka mulao sina Isilaele mwa na bezi ya lukile ka mulao; kono nasina sinulo ya moya ka Linzwi ni tato ya Mulimu. Ki fo he cwale, yani kona shutano kacenu.

208 Mutalimele Jesu. Se bali, “Amu mu lelekele kwahule mucaha yoo. Lu ziba kuli ki mu Samaria. U lyangani. Kana ubata ku lu luta? Kihande, no pepezwi mwa buozwa. No si nto yeñwi kwanda kuba mwana wa mwa bunyazi ya tahile cwalo. Ndataho ki mañi? U bulela kuli Mulimu ki yena ndataho, wena munyefuli tuwe! Kiñi, utalusa ona cwalo? Lubile bakutazi, lubile ma bishopu; kutaha cwalo ka bo kuku-ba bokuku-ba bokukuku-ba bokuku-ba bokuku-ba bokuku-ba bokuku-ba kale bene bali bakutazi ni bo bishopu. Ne lu pepezwi ni kuhulela mwa keleke. Lufitile mwa mikopano yemituna ya likolo za bulapeli. Lu ziba Linzwi kaufela hamoho ni litaku zateni. Mi wena ulika ku lu luta? No ile kwa sikolo sifi? U itutile kai tuto yeo?”

209 Ki hali, “Mina mu zwa. . .ku ndatamina diabulosi,” kwa bulela Jesu.

210 Ne basina lisupo ni ze komokisa mwahala bona. Ne basina foliso ya Bumulimu ni lika zeñwi mwahala bona. Ne basina limbuyoti mwahala bona. Kono Jesu nali yena sinulo ya moya ya Mañolo.

211 Se bali, “Kiñi, ku ñozwi *cwana-ni-cwana*.”

212 Mi Jesu ali, “Eeni, mi hape ku ñozwi.” Kono Mulimu apaka muuna wa Hae ka lisupo.

213 Pitrosi na bulezi ze swana, mwa Likezo 2, naize kuli, “Mina baana ba Isilale; Jesu wa Nazareta, ili Muuna ya pakilwe ki Mulimu mwahala mina, ka lisupo ni ze komokisa za na ezize Mulimu ka Yena mwahala mina, ili zeo mina kasibili muziba.” (ki fo he cwale) “Yena amano swaliwa mwa. . . ka buino bwa. . . ka Kuta yetuna ya ba Sanhedrin kulo kwani. Kono kuya ka zibo ya Mulimu, Mulimu na Mu lukiselize kale kushwa ka lifu le. Mwa Mu taleka mwa mazoho a baba maswe. Mu kokotezi fa sifapahano Mulena wa Bupilo, Yena ya zusizwe ki Mulimu. Mi lu lipaki za litaba zeo.”

214 Whew, ha ki mukutazi ni yoo! Nekusina. . . mane na sa koni nihaiba kuñola libizo la hae, kono na ziba Mulimu. Ne ba bulezi kuli “ne ba lemuhile kuli nali ni Jesu.” Kiniti, ki sinulo ya moya. Oh, mawi. Cwale, ki fo he cwale.

215 Kaine nali fela mwa nzila yani, keleke ya nama yani inzi mwa nzila yeswana kacenu. Keleke ya Moya isana ni Siita sa Mulilo, usana ni lisupo, Ze komokisa, usana ni Kreste ya swana; ze ne paka musipili kaufela kuzwa kwa ngunyana yene bulaiwa, mi ni mwa simu ya Edeni, kufitela Kutaha kwabubeli bwa Ngunyana. Kiniti, yena ya swana maabani, kacenu, ni kuyakuile.

216 Mi ona lusika lwa Kaine lwani, lwa bulapeli mi lwa makete ni lo litutile hahulu, ka mukwa o swana fela; ka kuswana fela, zazi ni zazi ki nto yeswana. Bahanyezi ni banyandisi, sina Kaine ni Abele, kona mo ba inezi ni kacenu, mi bakana baba cwalo ni kamuta ona cwalo; ba nama, baba sa lumeli. Yeo ki niti.

217 Cwale Genese 3:8, mi hape Ni beya fateni 20 fa, Ne ni sweli kuibata fa nako nyana:

*Mi Adama abeya . . . Mi Adama abeya musala hae . . . Eva; kakuli nali mahe wa ze pila kaufela.*  
(mwabona, sani neli kasumulaho wa kushemaetwa kone kuezahalile kale kwani)

218 Kaine nali . . . “Cwale mulibelele!” Mu li, “Kana noha ikona cwani, kakuli ki sihahabe?”

219 Kono, muzwale, mutalime fa, Bible ha ibuleli kuli neli sihahabe; Bible ibulela kuli, “Na li sibatana se si talifile hahulu ku za mwa naheñi kaufela.” Na si sihahabe, nali sibatana. Na li . . . Mi nekuna ni . . .

220 Mi haluboneni ni mife fela nto yelikani yeli mwahala luna, haiba mwa kona. Fani kona fo ilyangahezi sayansi. Nto ye fa kaufi hahulu yeba kona kufumana yeli bukaufi ni mutu, ki pombwe. Ki ba bakai baba ziba cwalo? Kono kuna ni sesiñwi mwahali mwani. Habakoni ku nga masapo a pobwe kuli akopane ni a mutu, ni ha ili nto ye li bukaufi hahulu cwalo. Bakona ku itisa kukalela kwa liuyi la mwa mezi. Bakona ku ikaliseza kwa simbuluwe. Bakona ku ikaliseza kwa folofolo mane ni folofolo ifi kaufela. Bakona ku ikaliseza kwa bere. Hamuka nga bere ni ku ibuha litalo, iswana fela inge musizana yomunyinyani fela. Kinto yeswana fela. Munge mukokoto wa hae ni lika zeñwi kaufela, mu li yemise fani, mi muyo tisa musali ku mu tubula cwalo . . . muyemise musali cwalo fani. Ki nto yeswana fela inge—inge—inge bere fela fa munyanya. Lihutu li colomokile ka kuswana, mi ni lizoho awa la swana luli ona cwalo, mane inge mutu fa munyanya mina. Kono pombwe yona itaha ka kusutelela hahulu kufitita foo. Ni yona mane isutelezi, kono bapalezwi ku ifumana.

221 Ki ye fa kunutu ye likani, haiba mu bata ku iziba. Mwa ziba fo ifumaneha nji? Li patilwe ku bona. Bakona ku kata masapo kaufela oba bata ku kata. Bakona ku kata . . . Mishini yekata yakona ku kata, ni yona sayansi kasibili, ni yena ya talima fa mikowa wakona ku pima likala za nako ni lipalo zeñwi ze kumbahala hande, kono habana ku iswala. Kakuli yani neli sepenti noha yene swana fela mane ni mutu kufita sika kaufela ku ze ne bupilwe mwa lifasi, mi Mulimu a ikuta ni kuibeya kuli izamayange ka mba, mi se ifetuha kuba noha kusina nihaiba kuswana mutu ni hanyinyani. Cwale ha mu iñwaye fela mwa litho za mina, ona batu ba sayansi bao, mi kipeto ba nahane fa taba yeo fa nako nyana.

222 Kono Bible ipatulula kuli, “Neli ya talifile hahulu kwa libatana kaufela za mwa simu.” Yeo ki niti. Neli yena pakani ye yemi mwahala mutu ni njoko yani, mi Mulimu a ikuta ni kueza kuli azamaye ka mba ya hae bakeñisa—yoba taba ya na ezize. Ya ku shemaeta musali yo, mi ki ha pepa mwana hae wa pili wa mushimani yanali Kaine, ya swana fela susumezo ya

sepenti noha, yena diabulosi, yana keni ku sepenti, ki yena yana ezize seo.

<sup>223</sup> Mi ki ha itwala ni kupepa, a itwala hape kasamulaho amano pumiwa. Cwale amubone, musali na pumilwe, nali bukaufi. . . Kihande, na ezize mafosisa. Kono musali, ka mwa na inezi, na sepahalile ha itwala ka muuna hae, kakuli sani mwendi ikana yaba ka linako zeñata, ñata kasamulaho, likweli zeñata ni mazazi amañata kasamulaho; hamukoni ku ziba zeo, ha lu zibi, kono na ti lo pepa ka Adama.

<sup>224</sup> Mi mane yomuñwi nabile ni puzo, ya kuli, “Kihande, mwana mushimani. . . na bulezi kuli musali naize uka. . . Fani Kaine ha pepwa, na bulezi kuli ‘u amuhezi mwana mushimano yazwa ku Mulena.” Kiniti, ki cona, neina ni kuba ona cwalo. Neli mulao wa ze bupilwe. Ona cwalo kona mo muinezi fela kacenu. Ha mu pepwa, Mulimu ha tahangi fela fafasi ku to mi bupa. Mina mu bana ba bondata mina ni bomaa mina. Mi mu kaba ya. . . ku kaba ni. . . bana ba mina ikaba baba zwa ku mina. Ki kupepana ka nako kaufela, kutaha ka kushetumuka ona cwalo, inge likota za litoze ni lika zeñwi cwalo; kono ha mu kutele ku za makalelo. Ni sepa kuli seo sa toloka lika.

<sup>225</sup> Lu na ni nako yekuma kai? Haluna ni yekana yesiyezi. Hamu teezele ku yende yetatama ye. . . yeluka kalela la Sunda: “Ka Moya ulimuñwi kaufela luna lu kolobelizwe mwa Mubili ulimuñwi. . .” (Lu ka tabela kuziba zeo.) “. . .Kreste.” Ka nako. . .Cwale, Ni sepa Ni nope kwateni mañolo amañwi, mañolo amande ku yona [Muzwale Branham u alaba ye mwa Kalulo Ya II, paragirafu 361, sina puzo yabu 60—Mu.].

<sup>226</sup> Ki ye yende fa, kuswana fela. . . Kikuli muka ni lumeleza fa muzuzu kamba yemibeli fela, kuli ni alabe yee? Yakona ku ikalaba yona iñi.

**59. Ha—ha u bulela kuli “baba maswe habana kutuka Kuyakuile,” . . . (Kihande, cwale Nina ni Lipaki za Jehova ze ka mata, Nji cwani?) . . . Ha u bulela kuli ba bamaswe habana kuca mulilo Kuyakuile, kana u talusa kuli ki mwa lihele la mulilo o tuka nji? Na ziba ya bulela cwalo mwa Sinulo (yeo ki kauhanho ya 20) kuli lihele lika nepelwa mwa lisa la mulilo. Haiba nji habatuki Kuyakuile, kona kuli ku ka ba cwani ku bona?**

<sup>227</sup> Inge fela mo Ni se ni bulelezi kale, muzwale kamba kezeli, kamba ki mañi mutu yo kaufela; lise lifelile hali sa bonahala, hakusana ze siyezi za bona. Ne lina ni makalelo, mi teñi kwani li ka yo fela; hakusana ni zeñwi za zona. Ku ka konahala cwani. . . ba ka tuka nako yetelele yekuma kai, seo si tata fela ku si bulela. Kono, amutalime, fani. . .

<sup>228</sup> Haiba mukona fela kuikungela ze mwa litho za mina, mwabona, ki nto yebunolo hahulu. Kuna ni fela mufuta ulimumu fela wa Bupilo Bobusafeli, mi bwani bu zwelela fela ku Mulimu

Kasibili. Mi Mulimu fela anosi ki yena Bupilo Bobusafeli. Haiba mukona fela kutalima mwa buka ya litaluso za manzwi, mubate linzwi la Sigerike la *Zoe*. *Zoe* ki “Bupilo Bobusafeli.” *Bupilo Bobusafeli* ki yena “Mulimu.” Mi Jesu naize, “Ni ba fa Bupilo Bobusafeli.” Mi haiba muka talimela mwa buka ya litaluso za manzwi, ibulezi kuli, “*Zoe*.” Bwani kona fela Bupilo Bobusafeli bo buliteni. Hakuna sibaka mwa Bibebe ko I bulela kuli ku kaba lihele la Kuyakuile, ibulela kuli ba ka tuka “kamita ni mita.”

<sup>229</sup> Cwale, kuli bone linzwi leo “kamita” amutalime la *aeon*—*aeon*. Kana mulemuhile cwalo mwa Bibebe? Ki ba bakai babakile ba utwa ha li Bulelwa, “Mi aeons ni ae- . . .”? Ki ba bakai baba ziba kuli *aeon* ki “sibaka sa nako”? Kiñi, luli, mutu kaufela wa ziba kuli *aeon* ki “sibaka sa nako.”

<sup>230</sup> “Mi ba ka yo tuka ka aeons,” yeo ki sibaka sa nako. “Ku nepelwa mwa lisa la mulilo, mi ba ka tuka ka aeons.” *Aeons* italusa “sibaka sa nako.” Bakona kutuka ka lilimo zekuma fa milioni mwa koto kono, mafelelezo, lina ni kutaha kwa mafelelezo; kuli li felelele, kaufela. Mwabona, kakuli lika kaufela ze si ka petahala ki ze lyangani kuzwa ku ze Petehile; mi ne li na ni makalelo, kona kuli lina ni kuba ni mafelelezo.

<sup>231</sup> Kono luna baba lumela ku Mulena Jesu Krete luna ni *Zoe*, “Bupilo bwa Mulimu Kasibili” ku luna, mi luna ni Bupilo Bobusafeli. Isiñi kuba ni bupilo bwa kamita ni mita, muezalibi una ni bupilo bwa kamita ni mita, kono luna lunani “Bupilo Bobusafeli.”

<sup>232</sup> Muzwale Cox, ha ki kale hahulu, ne ni inzi kwa libala la fulai . . .kasumulaho wa kuba ni macwe kwani, mi a nopa kaemba, ka lisapo la kale, mi ali, “Muzwale Branham, lina ni myaha yekai ye?”

<sup>233</sup> “Oh,” se Nili, “kuya ka lilimo, wakona kubulela kuli ki myaha ye teni sauzande fo likuma. Mufuta nyana wa folofolo, yene pila mwa liwate nako yeñwi, folofolo yenyinyani ya mwa liwate, hakulata neipilile mwa linako za kale kwa mulaho kafo.”

<sup>234</sup> Ki hali, “Munahane fela bukuswani bwa bupilo bwa mutu mo buinezi kubapanya kwa bupilo *bwani*.”

<sup>235</sup> Se nili, “Oh, kono, muzwale, nto yeo ina ni mafelelezo, kono Bupilo bo lunani ku Krete habuna mafelelezo. Zeo likona kupila *makamita* amabeli kamba amalalu, kono haana kuba ni Bupilo Bobusafeli, kakuli Bupilo Bobusafeli bu zwelela fela ku Mulimu anosi.”

<sup>236</sup> Kuyakuile, “Ya utwa Manzwi a Ka mi alumela ku Ya Ni lumile, una ni Bupilo Bobusafeli mi HASANA kutaha kwa katulo kono u zwile mwa lifu kukena mwa Bupilo.” Ki fo he cwale, uba ni Bupilo Bobusafeli ka kuba mulumeli. Ya sa lumeli una ni bupilo bwa kamita kihona. Haili bwa Bobusafeli . . . haili

mulumeli yena una ni Bupilo Bobusafeli, mi hakoni kushwa kakuli Ki Bobusafeli.

237 Kono haili mulumeli, u ka ya . . . Ya sa lumeli uka fita mwa lifasi, ukaba ni manyando, bumai; sa biza kuli nako yende, “whoopee, kuna ni nako yende.” Basali, waine, ni nako yetuna, u nahana kuli wa zwelapili. U ka shwa, uka yo kena mwa lisa la mulilo ni le lituka sulufura, ko kuna ni mulilo otuka kamita ni mita, mi mwendi ikona kuba lilimo zekuma fa ma milioni a mwanda moyo wa hae ukona kutuka mwa lisa la mulilo ni sulufura.

238 Na . . . Mu li, “Kana ikaba fela sina mulilo o zibahala wa sulufura?” Na lumela ikaba linako zekuma fa milioni mwa butuku bufita foo. Ni lumela ha mukoni ku li bapisa ka mulilo, ka mulilo o lu ziba. Libaka fela ki la kuli ka “ka mulilo,” ki yona nto yeciseleza hahulu ku ze linani. Ona mane wa ciseleza kufelegeza lika kaufela, mulilo wa eza ona cwalo. Kihande, he, ukaba mwateni, kono mukaba ni moyo o ka yo fiwa koto mwa mufuta omuñwi wa . . .

239 Cwale, muna ni kulemuha linzwi leo lakuli *mulilo*, kakuli Moya o Kenile u itusisa linzwi la kuli “Moya o Kenile ni mulilo”; kakuli mulilo wa Moya o Kenile wa ciseleza sibi, mwabona, ni kukenisa luli.

240 Kono ki mulilo *woo*, u zwa kwa lihele, ibulela kuli ki “lisa la mulilo.” Mi seo lili sona, ki koto ya manyando. Muuna wa mufumi a inula meeto, inza li mwa lihele, sa li, “Luma Lazaro atahe ni tumezi nyana kwa minwana ya hae, kuli a to lotiseza fa milomo yaka, kakuli mulilo woo wa ni nyandisa.” Musike mwa nahana kuli ha kuna lihele le li tuka mulilo, mi ni lihele kuya ka mo lu zibela, li teni. Haiba nji kuna ni diabulosi ka mo lu zibela, konakuli kuna ni lihele ka mo lu zibela.

241 Kono, mwa bona, lika kaufela ze lyangani lina ni mafelegeza a zona, kakuli mafelegeza lina ni kutaha kwa buiketo ni kukena kwa Mulimu. Mi Mulimu ki wa Kuyakuile; mi haiba luna ni Bupilo Bobusafeli, konakuli Mulimu u ku luna, mi halikoni kushwa sina Mulimu mwa sa koneli kushwela. Ki fo he cwale.

242 Cwale, palo ye yaitoloka Ili yona, mwabona, ni ku ieza ka kuluka. Cwale, ha lu boneñi, Nenina ni . . . Ha ni zibi kamba . . . Eeni:

**“Ki sikamañi sesika—ki sikamañi sesika ba tahela?”**

243 Ba felile kuyundelela, hakusana ni zeñwi za zona: moyo u ya, moya wa zwa mwateni, bupilo bwa zwa, mubili wa zwa, mihupulo ya zwa, milelo ya kupuzo ya zwa.

244 Mi hakuna ku yo ba mihupulo ifi kaufela nihaiba yona yemaswe, kamba zekona kuezahala, kuezahala fateni, mwa Kanya. Yeo ki niti, kaufela zona likaba . . . Kana mwakona ku nahana cwalo, kuli fa kwakona kuba batu fa mwa siemba se . . . ?

245 Hanili Biblele ibulela kuli, “Mane ni milelo ya baba maswe ika yunda”? Yona milelo yateni luli ika tunga.

246 Fa kukaba muuna yomuñwi *fa*, ki yo *faa* Mulimu yena Ya Kenile Yomutuna, mi ka kuziba kuli kwahule kafoo kuna ni musima otuka mulilo ni mioyo mwateñi? Kiñi, lani ha li lukeli kuba Lihalimu. Yona milelo luli, yona kupuzo luli, lika kaufela ze lyangani, mulelo o maswe kaufela, lika kaufela li ka yunda, mane hamoho ni lika kaufela ze maswe ku ona. Mi hakuna se lukaba sona kwanda kukena, ni *Zoe*, ili Bupilo bwa Mulimu; kwa Kuyakuile, ni mwahala myaha ye ka pikuluha ka buñata, ni ka buñata, ni ka buñata, ni ka buñata, ni ka buñata; Ha lika kufela, ikaba Kuyakuile!

247 “Ne ba keni mwa katulo ya *kamita*, kono baba lukile bakena mwa Bupilo Bobusafeli.” Mwa utwa nji? Koto ya *kamita*, Bupilo Bobusafeli, ha ki shutano ni yeo.

248 Cwale, mwabona, ha ki kuli. . . Cwale, Na ziba, ku mina, banake baba latiwa ba banyinyani, Ha—Ha ni talusi kuli na ni ziba lika kaufela. Haiba Ni eza cwalo, . . .

249 Cwale, Nina ni zetalu kamba lipuzo zene zeñwi zende. Ni ka li talimela la Sunda kakusasana, haiba Mulena alata.

250 Cwale, mutalime. Mwabona, litaba ze litisa lipuzo. Na ni mukutazi wa kale. Ni—Ni—Ni—Nina ni lilimo ze twenti sikisi mwa bulumiwa. Mi Na—Na itumela kuli ka se, kuli Ni kona kubulela taba ye, yaka. . . Nali kuba nilike ku kutaza sika mwa bupilo bwaka si si ka patululwa pili. Mi Ni itumela hahulu kuli Lingeloi la Mulena. . . Na yaeza kuli mane Hanina ni tuto, hanina mata. Mi Lingeloi le la taha fafasi, mi libile tuso yaka kuzwa ku Mulimu. Mi Ha si ka ni bulelela nto isili kwanda se si zamaelela hande kuzwa kwa Genese kuisa Sinulo ka sona, kuli mane. . . Ne ni ñozi kapili luli ha Na bulezi kuli “Mi wena—mi wena ukanga mpo ya foliso ya Bumulumu.” Mi Na iñola kuya ka mwa Na ibulelezi.

251 Mi kasamulaho wa lilimo zetalu cwalo, muina sipula ani—ani zibisa ka zona, ali, “Muzwale Branham, ki kuli ulemuhe seo? Si petehile luli kufitela Ha na ku bulelezi kuli ki ‘mpo.’”

252 Mwabona, ha si ka bulele kuli “ki mpo.” Mi mañi—mañi kaufela wa mwa Biblele. . . mpo ifi kaufela “ki mpo” kono foliso ya Bumulumu, mi ki “mpo.” Ki “mpo ya kufolisa.” Mwakona kuba ni mifuta kaufela ya limpo za kufolisa, ka linzila ze shutana. Kono, ifi ni ifi kaufela ki “mpo”: “ki” mpo ya kupolofita, “ki” mpo ya *se*. Kono foliso ya Bumulumu imwa buñata: “limpo.” Mi Nali kuba ni lemuhe seo, kuli Moya o Kenile u petahalile hahulu. Oh, kufuyolwe Mulena!

253 Kana mwa utwisisa kuli ona Moya o Kenile oswana ono ñozi Biblele yeo, ka minda anda ya baana, myaha ye mianda anda fahali. . . mi hakuna ni yomukana wa bona yana kauhana

ni yomuñwi, mañi ni mañi wa bona na kondisa ka swanelo; mi hakuna ni yomukana wa bona yana utwile litaba za yomuñwi.

<sup>254</sup> Mi Paulusi aya kwani, mi nali kwa Arabia, mi ali kuba a potele Jerusalem ka lilimo ze lishumi ni zene, kono nali kwa Jerusalem kwani kwa . . . na zwile kwa . . . na si ka ya kwa Jerusalem. Kono nali mwa Arabia, mi akala ku kutaza, ali kuba abonane fateni ni Pitrosi ni babañwi ba bona ka myaha ye lishumi ni yemine. Mi ha ba yo taha hamoho, ne ba sweli ku kutaza nto yeswana: kolobezo ya mezi neli ka Libizo la Jesu Kreste, ni foliso ya Bumulimu, ni mata a Mulimu.

<sup>255</sup> Oh! Ni tabile hahulu kuli Ni kona kubulela kuli Ni alimumu wa bona:

Alimumu wa bona, Ni alimumu wa bona,  
Ni tabile hahulu kuli Ni kona kubulela kuli Ni  
alimumu wa bona; (haleluya)  
Alimumu wa bona, Ni alimumu wa bona,  
Ki tabo fela Ni kona kubulela kuli Ni alimumu  
wa bona.

Kuna ni batu kwa libaka kaufela,  
Be lipilu za bona za tuka,  
Bakeñisa mulilo ono wile la Pentekota,  
O ba tapisize ni kuba eza baba kenile;  
Oh, usweli watuka cwale mwa pilu yaka,  
Oh, kanya kwa Libizo la Hae!  
Ni tabile hahulu kuli Ni kona kubulela kuli Ni  
alimumu wa bona.

Neba kopani mwa ndu yafahalimu,  
Kaufela inge ba lapela ka Libizo la Hae,  
Ne ba kolobelizwe ka Moya o Kenile,  
Mi mata a sebelezo a taha;  
Cwale sa Na ba ezelize lizazi lani  
Uka mi ezeza sona,  
Ni tabile hahulu kuli Ni kona kubulela kuli Ni  
alimumu wa bona.

Ni alimumu wa bona, Ni alimumu wa bona,  
Ni tabile hahulu kuli Ni kona kubulela kuli Ni  
alimumu wa bona; (haleluya)  
Alimumu wa bona, alimumu wa bona,  
Ni tabile hahulu kuli Ni kona kubulela kuli Ni  
alimumu wa bona.

<sup>256</sup> Muteeleze, Ni mi bulukezi liñusa nyana:

Taha, muzwale waka, ubate mbuyoti  
Yeka tapisa pilu ya hao kwa sibi,



Ye ka liza milangu ya tabo  
 Ni ku tumbula moyo wa hao ka mulilo;  
 Oh, wa tuka cwale mwa pilu yaka,  
 Oh, kanya kwa libizo la Hae,  
 Ni tabile hahulu kuli Ni kona kubulela kuli Ni  
 alimumu wa bona.

257 Mina ha mu si ka tabela kuli mu balibamu ba bona? Ki sikamañi seo? Ki ona Moya o patulula. Ki sinulo ya Mulimu, “Fahalimwa liewe le.” Hanina taba kamba ki bishopu yomutuna. . .

258 Muprisita wa Katolika, ha ki kale hahulu, nainzi mwa ndu yaka. Mi sa li, “Bo Branham, Ni tilo mi buza puzo.”

Se nili, “Ku lukile, sha.”

Ali, “Nina ni liñolo fa lelizwa ku bishopu, litaha ku mina.”

Se nili, “Ku lukile, sha.”

259 Ki hali, “Litaba zo bulelenga, kikuli uka nanula lizoho la hao ni ku ikonka kuli uka bulela niti?”

260 Se nili, “Ha nina kukonka.” Se nili, “Bibele ibulela kuli, ‘Musike mwa konka, ka lihalimu kamba ka lifasi (kakuli ki fa hatela mahutu a sipula sa Hae). Ee ya mina ibe sina awa ni ee.’ Haina nji bishopu ubata ku utwa se Ni ka bulela, uka u twisisa manzwi aka. Haiba ha li utwi, Hanina ku konka.”

261 Yena muprisita yo wa kwa keleke ya Sacred Heart, ki hali, “Kana no kolobelize Pauline Frazier ka zazi la *kuli-kuli*?”

262 Se nili, “Ne ni mu kolobelize, sha, neli kwa Nuka ya Ohio.”

263 Ali, “No mu kolobelize cwani?”

264 Se nili, “Ne ni mu kolobelize ka ku mu nwelisa mwatasa mezi ka Libizo la Mulena Jesu Kreste.”

265 A li ñola. Ali, “Wa ziba, keleke ya Katolika ne i kolobezanga ona cwalo sapili.”

Se nili, “Ki lili?”

Mi ali, “Mwa lusika lwa makalelo.”

Se nili, “Li lusika lufi lwapili?”

Ki hali, “Kihande, kwa simuluho.”

Se nili, “Simuluho ifi?”

Ki hali, “Mwa Bibele.”

Se nili, “Kikuli utalusa kuli kwa makalo- . . .mwa—mwa balutiwa?”

Ki hali, “Luli.”

Se nili, “Kana ubiza ma Katolika, kamba, ba—ba . . .? U bulela kuli balutiwa neli ba Katolika?”

Ki hali, “Luli, nebali cwalo.”

Se nili, “Ne ni hupula kuli keleke ya Katolika ha isika cinca?”

Ki hali, “Ha i cwalo.”

266 Se nili, “Cwale kiñi Pitrosi hana bulezi kuli, ‘Mubake, mi mu kolobezwe ka Libizo la Jesu Kreste?’ Mi wena ubulela kuli neli yena. . . kuli nekuna ni pope?”

267 “Eehe.”

268 “Cwale kiñi ha mu kolobezanga ka libizo la ‘Ndate, Mwana ni Moya o Kenile?’ Mi na cimbeka, kono mina mwa fafaleza. Cwale ki sikamañi se si ezahalile?”

269 Ki hali, “Kono, mwa bona,” ali, “keleke ya Katolika ina ni mata a kueza sika kaufela se ibata kueza.” Huh.

270 Se nili, “Mi u bulezi kuli balutiwa neli Makatolika?”

271 Ki hali, “Eehe.”

272 Se nili, “Shangwe, Ninani Josephus, Nina ni buka yebizwa kuli *Foxe’s Book of Martyrs*, Nina ni yebizwa Pemberman’s *Early Ages*, Nina ni ya Hislop yebizwa *Two Babylons*, yakale hahulu mwahala litaba za kale za lifasi, u ni bonise ku zee foo keleke ya Katolika haikile ya onga ongiwa kamba kutaha mwa katengo. . . lilimo ze mianda yesilezi kasamulaho wa lifu la muapositola wa mafelelezo.”

“Oh,” ki hali, “lu lumela se ibulela keleke.”

Se nili, “Na ni lumela se ibulela Bibebe.” Mwabona?

“Kiñi,” ki hali, “Mulimu u mwa keleke ya Hae.”

273 Se nili, “Mulimu u mwa Linzwi la Hae.” Mi se Nili, “Haiba. . .” Ki hali. . . Se nili, “Bibebe ha ibuleli kuli Mulimu u mwa keleke ya Hae, kono Bibebe ibulela kuli Mulimu u mwa Linzwi la Hae. ‘Kwa simuliho nekuna ni Linzwi, mi Linzwi nali ku Mulimu, mi Linzwi neli Mulimu; mi la to yaha ku luna.’” Yeo ki niti. Se nili, “Mulimu u mwa Linzwi la Hae.”

274 Azwelapili ni kubulela ona cwalo. Ki hali, “Kihande, haluna ku kanana,” ali, “kakuli wena u lumela mwa Bibebe, Na ni lumela mwa keleke.”

275 Se nili, “Ni lumela kuli Bibebe ki Linzwi la Mulimu le li susumelizwe mi hakuna nahaiba twaniso ni yekana mwahala ku Lona. Mi ki Linzwi la Mulimu, milelo ya Hae ya Kuyakuile la masika kaufela a sa taha. Uize kuli, ‘Lihalimu ni lifasi li ka fela kono Manzwi a Ka haana kufela.’ Yeo ki niti. Na lumela Linzwi.”

276 Aya ku musala Bo Frazier. Ki hali, “Bo musala Bo Frazier, kikuli uka nyatela pampili ye yepaka kuli musizana wa hao wakona kuba membala wa keleke ya Katolika?”

277 Musali ali, “Ne ni ka ya ni yena kwa libita.”

278 Ali, “Maswabisa ku wena.” Ali, “U lukela kuba ya itumela kuli musizana yani uzwile mwa bukuba bobu cwalo boo, kukena mwa keleke ya Katolika.”

279 Ali, “Kucwani kambe neli wena musizana ya tahanga kwa keleke yaka, no ka bulela sikamañi ka zeo?”

280 “Oh,” ki hali, “zeo za shutana.”

281 Nali, “Batili, ha li shutani.” A ziba kuli nali kokuñwi ha na siile musali yani kwani. Na ziba kuli na li kwa sibaka sesiñwi. Musali ali, “Cwale, ona sikwalo se si swana si kwaluhile kuli ukene.”

282 Mwabona, kona ona cwalo. Usike wa hatiwa, ha ulukeli ku hatiwa. Haiba Mulimu una ni wena, ki mañi ya ka ku lwanisa? Kiniti! Butata bwateñi kacenu, una ni lisapo le li bunolo kufita kuba ni moongola o tiile wa mukokoto. Uyemele Mulimu mi ube ya lukile!

283 Ona Moya o Kenile o swana ono wezi fahalimwa ba apositola bani mwa masika a kwa mulaho ani, usali mwa Keleke ya Hae ni kacenu, bona bao Mulimu a ipatululi Iliyena ku bona. “Ha ki ya lakaza, kamba yena ya mata, kono ki Mulimu ya bonisa sishemo.” Ki Mulimu, ka kuketa kwa Hae, ki yena yabiza sicaba ni ku kwalula meeto a sona. Ha mukoni ku Li bona, mu libofu, mi mane hamukoni ku li bona kwanda kuli Mulimu a kwalule kutwisiso ya mina. Biblele ibulezi kuli u sibofu, mi ha ukoni kubona. Hakuna tuso ya kuli ulike like. Ka tuto yeliteni kaufela, lituso za kulifelwa kwa sikolo kaufela zo no ka fumana, ukana uzwelapili fela kuba sibofu ni kufita.

284 Cwale, mina ba Church of Christ kwanu, mu “bulele Biblele ha ibulela, mi mukuze fo ikuzize,” kucwani he ku babañwi ba Sonā? Kihande mukuze fela ku Yona. Kiniti.

285 Mwabona, si lwala Niti ye patuluzwi ya moya. Mi kipeto Mulimu utaha ku to ipatulula Iliyena ni kubonisa kuli Ki yona Niti. Amen! Mwa Mu lata nji? Ni na Na mu lata. Amen.

286 Ku lukile, kaufela mina ba Methodist kikuli mwa tabela kuswalana mwa mazoho cwale ni ba Baptist cwale? Mina bo ma Presbyterian?

287 “Cwale,” mu li, “Muzwale Branham, kikuli mwa leleka ba Baptist ni ba Presbyterian baba sa kolobezi ka- . . .?”

288 Batili, sha, Na haniezi cwalo. Ni ba talima kuli ki mizwale yaka. Kiniti! Ha nina taba kamba ha u si ka kolobezwa ni kamuta, haiba u kolobelizwe ka libizo “la Rose ya Sharon, Mulilima wa ma Musindi, ni ka Naleli ya Kakusasana,” seo hasikoni kuba . . . seo sikona kuswana fela sina “Ndate, Mwana, Moya o Kenile.” Ki malumbatina amalalu fela mwa kubizeza. Nali yena Rose ya Sharon. Nji cwani? Mulilima wa mwa Musindi, Naleli ya Kakusasana, kaufela zona zeo. Luli, Nali zona. Ki nto iliñwi fela kamba yetatama. Kono seo kona mo siinezi: Liñolo

le li swanela ki ka Libizo la Jesu Kreste. Haiba mubata nzila ya Mañolo, kona yekumbahalile yeo. Ki yona nzila yelukile.

289 Cwale, haiba u kolobelizwe ka libizo la “Ndate, Mwana, ni Moya o Kenile,” u ikutwa kuli ku lukile, amen. Haiba ki kalabo yende ku Mulimu ka lizwalo le li lukile ku Mulimu, amen. Zwelapili ona cwalo, mwabona.

290 Kono kuya ka mo Ni zibela, kuya ka siemba saka, haiba ne mu ka ni buza, kuli, “Muzwale Branham, kana Ni kolobezwe sinca?” Ne ni kali, “Eeni,” kwa neku laka.

291 Musizana yomuñwi akile ataha zazi leliñwi, ali, “Mulena u ni bizize kuli nibe mukutazi.” Ne ni si ka lumela cwalo, inge mo Ni sa lumeleli kuli—kuli na ka tula fa kweli. Mi kiha . . .

292 Se nili, “Kihande, yeo kinto yende, kezeli.” Se nili, “Kana u nyezwi?”

“Eeni.”

“Una ni bana bababeli?”

“Eehe.”

Se nili, “Ki sikamañi sa...? Kana bo muuna hao ba pilisizwe?”

“Batili.”

Se nili, “Uka eza sikamañi ni bona?”

“Ni ka ba siya kwa ndu.”

293 Se nili, “Kona siteo luli diabulosi sa kuteiile. Wena u musali yomunde ka kukala, mi usweli kuzamaya zamaya mwa simu kwanu, ukaba siteo sa diabulosi. Mi bo muuna hao, kwandu, mutangana ya tiile, mi u mu siyela bana bababeli bao; uka kala kumata mata ni musali usili, mi banana bakaba ni ndata bona usili leliñwi la mazazi aa.” Se nili, “Sibaka sa pili, haiba Mulimu u biza musali, U kananisa Linzwi la Hae.” Se nili, “Cwale, haiba ubata zeo, kaufela ki zende.” Se nili, “Cwale, temuho, u bulela kuli Mulena u ku file temuho. Kipeto ubata kuya kwa katala, kwa pata, mi u i yo lika?”

294 Musali ali, “Eeni.” Mi mwabona sene si ezahalile.

295 Mwa bona, ki ku susumezwa. Ina ni kutaha kwa Linzwi. Haiba ha ki Linzwi, konakuli ha isika luka. Hanina taba kamba maikuto a mubili wa hao a cwani, ha li si ka luka. Amen! Seo sa utwahala hande. Amen!

296 Ku lukile:

Luka zamaya mwa liseli, ki liseli lelinde,  
Mutahe ko ku nela maloteli a sishemo amande;  
Libenye mwahala luna musihali ni busihu,  
Jesu, ki liseli la lifasi.

Kaufela mina ba bakenile ba liseli mubulele  
muli,

Jesu, ki liseli la lifasi;  
Mi milangu ya Lihalimu ika lila,  
Jesu, ki liseli la lifasi.

Luka zamaya mwa liseli, ki liseli lelinde,  
Mutahe ko kunela maloteli . . .  
Libenye mwahala luna musihali ni busihu,  
Jesu, ki liseli la . . .

<sup>297</sup> Cwale Ni bata kuli mañi ni mañi a fetuhe mi mu swalane mwa mazoho, maneku amane kaufela, ni mutu kaufela cwale, halunze lu iopela hape:

Luka zamaya mwa liseli, ki liseli lelinde,  
(amen)  
Mutahe ko ku nela maloteli a sishemo amande;  
Libenye mwahala luna musihali ni busihu,  
Jesu, ki liseli la . . .

<sup>298</sup> Kana mwa ba lata ba Methodist? muli “Amen.” [Kopano ili, “Amen”—Mu.] Ba Baptist bo? Ba Presbyterian bo? Ba Katolika bo? Ba . . . Oh, mwa ba lata kaufela bona? muli “Amen.” [Kopano ili, “Amen”—Mu.]

Luka zamaya mwa liseli, lelinde- . . .  
(muswalane mwa mazoho, halunze lu ya cwalo)  
Oh, mutahe ko kunela maloteli a sishemo amande;  
Libenye mwahala luna musihali ni busihu,  
Jesu, ki liseli la . . .

<sup>299</sup> Lu si ka opela kale pina ya kuzwa ka yona . . . Cwale, kwa konahala kuli Ni to ba kwanu hape la Sunda. Cwale, kuzwa fani Hanina kukuta kwanu hape konji kasamulaho wa Kilisimasi. Mwabona, kakuli Ni ya kwa Michigan, kuzwa kwa Michigan niya kwa Colorado, kuzwa kwa Colorado ni silela kwa Idaho, kuzwa kwa Idaho niya kwa California, mi kona ni ka yo kuta. Mi ki kwa konahala (Ni bata kuli mu ni lapelele kwateni) Ni kaba kwa Waterloo, Iowa, kukala ka Sope la twenti-foo kuyo punya mwa Yowa la tuu. Mwabona, kwa sibaka sesituna kwani, Ni amuhezi fela pizo fa nako nyana yefitile, mi Ni na ni kukala cwale kuyo punya la Sunda inge ni lapela. Mwabona, kwa Waterloo, Iowa, ye se sutelezi cwale.


<sup>300</sup> Kono cwale, muhupule, mu teeze kwa tukiso fa silimba ka naini kiloko, la Pelekelo kakusasana. Luka mu biza ni ku mu zibisa. Mi bani ikaba ba WLRP, baopeli babane baha Neville ka naini kiloko, la Sunda kakusasana. Luka . . . Haiba Ha—Ha ni na kuba ni bona, Muzwale Neville uka feleleza lipuzo. Uka eza cwalo, Muzwale Neville, la Sunda kakusasana? [Muzwale Neville wa seha ni kubulela kuli, “Ki taelo yetuna”—Mu.]

Kihande, mutalime, haiba muba mwa butata, Ni ka ya ni mina.  
Uka talima talima. Ku lukile.

<sup>301</sup> Ku lukile:

Unge Libizo la Jesu,  
Mwana wa manyando ni bumai;  
Li ka kufa tabo ni nyakalalo,  
Oh, u linge ko uya kaufela.  
Libizo Lelinde, Oh kwa munati!  
Sepo ya lifasi ni tabo ya Lihalimu;  
Libizo Lelinde, Libizo lelinde, Oh kwa munati!  
Kwa munati!  
Sepo ya lifasi ni tabo ya Lihalimu.

<sup>302</sup> Cwale, haiba mubata kuziba mu Baptist ya lumela mwa kuhuwa, wani kona mufuta wa kuhuwa o Ni tabela. Musali muhulu yainezi fo yoo, mi Moya wa mu tahela. A kala kuhuwa, mane u palezwi kuitiisa, a kuta mwa mulaho ni ku kumbatela mwana hae wa musizana. Zeo kona ze Ni tabela ku bona. Amen. Zeo ki zende luli, mwa mufuta wa kale, maikuto a utwahalela mwa pilu. Oh, mawi, ki wa kale—ki wa kale, o tiile, muketwa ya buzwise, ya itukisize kuya kwa hae kwa Kanya. U libelela fela ku biziwa, mwa bona, inge ana ni fela nako yende ya tabo.

Ku lukile, Muzwale Neville cwale, kaufela sa bata kueza. 

*LIPUZO NI LIKALABO MAHEBERU KALULO YA I* LOZ57-0925

(Questions And Answers On Hebrews Part I)

MUKOLOKO WA MUEZEZO, MULAO NI TUTO YA KELEKE

Liñusa le ka Muzwale William Marrion Branham ne li kotalizwe lwa pili mwa Sikuwa la Bulalu manzibwana, Muimunene 25, 1957, ili fa Branham Tabernacle, mwa Jeffersonville, Indiana, U.S.A., liingilwe kuzwa fa tepu ya magesi ya manzwi kusina ku zusa sika mwateni ku ya Sikuwa. Toloko ye ya mwa Silozi i hatizizwe ni kuhasanyiwa ki ba Voice Of God Recordings.

LOZI

©2019 VGR, ALL RIGHTS RESERVED

**VOICE OF GOD RECORDINGS**

**P.O. Box 950, JEFFERSONVILLE, INDIANA 47131 U.S.A.**

[www.branham.org](http://www.branham.org)

## Zibiso ya bahatisi

Litukelo kaufela li bulukilwe. Buka ye yakona kupulintwa fa pulinta ya mwa ndu kuli iitususwe ki mutu kamba kuli ifiwe ku yomnwi, mahala feela, kakuba siitusiso sa ku hasanya Evangeli ya Jesu Kreste. Buka ye hailekiswi, kuatiswa mwa buñata, ku nepelwa fa moya wa webusaiti, ku bulukwa mwa mukwa wo bunolo, ku tolokwa mwa mishobo isili, kamba ku itusiswa kwa kukupa masheleni ku sina tumelano niba Voice Of God Recordings®.

Ka litaba zeñata kamba ka libuka zeñwi ze liteni, shangwe muñolele kwa:

VOICE OF GOD RECORDINGS  
P.O. Box 950, JEFFERSONVILLE, INDIANA 47131 U.S.A.  
[www.branham.org](http://www.branham.org)